

嚴州府志卷之十四

嚴州

府知府楊守仁

主脩

同知龔天申

通判趙秉致

推官宋行可

同脩

四川布政使司左叅政徐楚纂脩

嚴州府儒學訓導楊德興

葉萼

淳安縣儒學訓導顧汝紳校正

嚴州府儒學生員徐方

建德縣儒學生員張世聞

淳安縣儒學生員徐應壽

桐廬縣儒學生員羅昌齡

遂安縣儒學生員吳兆麒

壽昌縣儒學生員李度

分水縣儒學生員陳復華彙集

嚴州府

人物志二

鄉達列傳

五代

余萬頃字九疇遂安人仕吳越為武林檢察諸軍事左右親軍莫不敬憚後入宋遷侍御史直言無隱目為殿上虎後改授戶部侍郎兼祭祿大夫賜武強官田二十頃

余元嘉遂安人萬頃之姪初仕吳越入宋遷紫宸殿封章司事民間利病以時奏御畧無疑滯太宗即位以老乞閑召見賜緋魚袋中奉大夫致政歸

宋

方蒙字達原桐廬人與弟鼎俱登進士第而蒙尤

有聲元祐間為殿中侍御史三子元脩元若元
矩皆有才名元脩為州判元若為右史元矩亦
典郡

余九齡遂安人熙寧初登進士第時先聖像在長
壽院西廡過者忿焉九齡力請於有司易地而
遷之因建為學累官至中奉大夫

鄭彥字季英壽昌人治春秋通史傳淳祐中第進
士乙科擢崇陽尉再任青田丞滿除真州司戶
其居官以誠愛為本所至勸農勉學因民之所
利以予之力不煩而功倍獄有淹者亟鞫而出
之民樂其化有不克婚葬者輒助給之召授宣
義郎國子監丞卒

王昇字君儀建德人博洽多識尤邃禮易家居不
仕以尚書左丞山陰陸佃薦特起於家遂歷禮
官晚以徽猷閣待制還鄉里知數預語人以將
終紹興二年無疾而卒年七十九

王古字敏仲嚴州人自貳卿出守會稽成都紹聖
四年謫守宜春天性慈仁政舉綱領少閒則靜
坐誦佛書而已

詹大方遂安人良臣之子也登政和五年進士第

良臣死難時大方已仕矣累官端明殿大學士
工部尚書簽書樞密院事封遂安縣伯食邑八
百戶贈太師

邵大受淳安人金部員外郎煥之從子也登政和
八年進士第仕至刑部侍郎立朝蹇諤不畏強
禦

陸時雍淳安人幼孤貧與兄力樵以養母稍長補
郡學生念母兄食不給語掌膳曰吾日飯勿盡
炊願輟一膳遺母自以一膳分為晨午其苦節
孝養如此後登宣和三年進士第中博學宏詞

科歷秘書丞知建昌軍復請以恩官其兄子耘
老

詹時字亨仲遂安人良臣之兄也累官至朝議大
夫戶部侍郎子延年舉進士累官朝請大夫知
池州

邵拱字端文淳安人紹興中舉進士僉判漢陽軍
通守南安尋知昭州甚有惠政後以朝奉大夫
致仕孫應豹號菊逸登嘉熙二年進士第歷官
知潯州

方玠字純仲壽昌人登隆興元年進士第與東萊

呂祖謙為同年友歷官至信豐知縣周必大趙汝愚皆嘗薦其才行

吳儔字子友建德人幼穎悟讀書伍行俱下熙寧初中賢良方正直言極諫科和平門內其讀書樓雙臺在焉自皇甫湜後三百年間儔始復中制科亦可謂難其人矣

胡莊字吉卿建德人權江淮總幹補將仕郎乾道乙酉桃源寇作莊畫計擒之境内肅清淳熙辛丑水旱相仍饑殍甚衆莊以已之山林縱人樵採民賴以生子從龍夢龍天錫皆有名

錢大椿淳安人幼有文名穎敏好學登乾道八年進士第累官轉漳浦丞所至不事苛刻有愷悌風秩滿民惜其去乃遷縣令第大節大臨大樟俱登仕版

洪彥華字叔炳淳安人天資樸茂學問談洽登淳熙十一年進士第居常自晦而徐察其所為則言行如一蒞官治民專務德化其宰茶陵值歉歲悉心撫字民無流亡及宰上饒政如茶陵時真文忠公德秀嘗薦之累官至朝請大夫知興化軍

洪璞字叔玉淳安人仕為鎮東鄴度推官陳備邊
八策遷邵武通判慈湖先生楊簡薦之朝曰守
官數十年而無屋可居舉家三百指而無田可
養堪應節操方正可備獻納科未報而卒所著
有省堂文集

項肆字處約淳安人登紹熙四年進士第為江寧
郡學教授遷湖口縣令政教大行吏民懷服時
詔給官價買義後田肆子訓欣然割已田應詔
不受官價縣令陳曄嘉嘆因其所居清溪鄉曰
和義千仞里曰歸善云

方恪字德奎淳安人紹熙中領鄉薦仕為秘閣校
理耿介自持上章言朝廷得失時貴忌之乃棄
官而歸

童克民遂安人登紹熙四年進士第累官至右正
言以言事忤韓侂胄罷歸

鄭大署壽昌人明春秋富詞藻寧宗朝舉進士授
太子伴讀累遷秘書省校書郎以疾辭歸

詹阜民字子南遂安人累官宗正寺丞兼駕部郎
中知徽州府甚有惠政民為立祠與朱文公同
祀焉

邵源字應昌淳安人登開禧元年進士第嘉定間
宰郟城遷江東廉訪副使弟該字應隆登寶慶
二年進士第主亳州定縣簿兄弟皆有惠政
俞汝霖字季澤遂安人深沉有智畧慶元初辰州
叙浦山徭作亂朝廷募兵討之汝霖應募與將
官入洞生擒徭酋燬其巢穴而還又捕獲九溪
全洞之賊補承信郎六年差充兩浙轉運使催
促錢糧綱運累官至都轉運使階金紫光祿大
夫

俞誠一字則明分水人登嘉定十六年進士第累
官南康教授兼白鹿書院山長淳祐七年遷國
子監丞磨勘轉奉議郎平居喜怒不形遇事剛
果不為禍福怖自奉儉約菲衣糲食破牕敗几
澹如也居家蒞官內外如一性不嗜飲賓至必
設醴論文所著有南疇集十五卷

翁應弼字子直壽昌人博涉群書登淳祐元年進
士第累官至工部侍郎理宗深器之特追贈其
遠祖洮為善慶公後為丁大全所陷謫竄南荒
久之上思其才遣使召之則已死矣訃聞上嘆
悼良久命有司歸其柩復其官

陸字盛遂安人治春秋登寶祐元年進士第知青
田縣以平寇功累官至四川觀察使後終老于
家

鄭琚字伯潤壽昌人性明敏輕財好施淳祐間登
進士乙科授登仕郎景定中為金華尉蒞事詳
審以能稱咸淳十年遷安吉州司理參軍推情
治獄人無冤濫以疾辭歸創義倉建永平橋鄉
人德之

鄭壽字伯壽壽昌人穎之子也以父任補官通春
秋領漕薦除大理寺評事時權相嫉邊守王惟
中勲名下理寺誣致於死壽遵父命不屈法遂
以忤歸景定間朝議高其節起為大理寺正出
守古括蕭然儒素除刑部郎中遷軍器少監倣
范文正公義田置仁壽庄以調宗族

傅崧之字宗山壽昌人立志好學通詩書戴禮弱
冠以兩經領鄉薦鄉人尊之號平齋先生咸淳
四年與子明龍同登進士第而崧之為榜眼授
慶元觀察推官以內艱不赴服闋丞相馬廷鸞
言於朝調平江觀察推官三司務殷多所諮決
以勤政卒論者惜之

項虎得字子文淳安人質厚學純年十八魁鄉舉咸淳七年登進士第為武康尉值宋運訖乃棄官而歸

胡文亮字仁傑壽昌人人物魁岸淳祐中以貲入官補登仕郎既而嘆曰吾家以經學致位清要而吾以貲補官不貽銅臭之譏乎遂閉戶讀書寒暑不輟咸淳中以書經應漕試官至承信郎龍游縣主簿有誥勅存焉

許繼先淳安人家貧力學淹貫經史咸淳間以春秋領鄉薦仕至宣教郎祕書省檢閱文字

元

宋夢鼎字翔仲淳安人與弟季武俱明春秋時論稱之至順元年登進士第為婺源州同知轉奉議大夫知奉化州季武中至正乙科

國朝

唐宗魯建德人洪武四年由通經秀才授工部侍郎以疾乞歸既而疾痊赴京左遷會州府麻龍縣丞卒於官

王輿字行之分水人洪武四年以明經舉為本縣儒學教諭學行純粹啓迪有方兵科給事中徐

日新薦於朝徵拜楚府長史

魏潛字源啓桐廬人世業儒洪武中由儒士舉授尚寶司丞以文學知名陞山東東昌府知府致仕歸卒於家弟溶字源溟洪武間舉明經仕至監察御史

鄭侃字友剛桐廬人洪武七年由邑庠生試通經中式授工部主事在任勤幹克修厥職卒于官王訥字近仁桐廬人幼篤志於學舉明經拜監察御史陞山

小按察司僉事卒

洪子翔淳安

洪武間以秀才舉授平山水陞真

定知縣再陞肇慶府判所至興學勸農克著能聲其在真定民立石頌之

何昭善字憲章淳安人洪武間以孝廉舉授豐城丞有惠政秩滿民借留不可得乃塑像於學官陞奉新知縣

周勗字以謙遂安人洪武中由明經授廣東按察僉事遷知南安府所至有聲吏民懷之

王文孜遂安人洪武中由人才為會昌知縣父愚叟嘗遺書戒之云若濫賦私生不令人顧患難沒不容神入家廟文孜由是益自勵廉惠愛民

門無私謁以母喪去官改知金壇縣

方添童字以銘壽昌人天性聰敏博極群書洪武中郡縣以儒士薦授龍溪知縣政尚寬厚吏不忍欺卒于官

周淵明字孟潛壽昌人家世業儒淵明少聰俊早孤勵志向學洪武中郡縣以能書薦赴中書科寫誥授工科給事中遷大理司正改刑部主事陞四川布政司叅議居官尚儉素嗜讀書退食之暇手不釋卷後朝京師卒於途

方暉字彥昭壽昌人洪武中由人材授應山縣知

縣蒞政庶明事無留滯邑人稱之卒于官

張冠字士敬桐廬人洪武十四年以賢良方正授蘇州府知府有聲於時未幾以老疾致政自號北山樵隱有行吟集藏于家

姚瑾字荆石桐廬人洪武中由太學生授豐城知縣興利除害治甚有聲未幾坐事而去民詣

闕乞留詔復其官永樂元年陞崖州知州卒于官

羅觀字周賓桐廬人洪武中貢太學有聲選署陝

西按察使事後擢寧國府同知在任以清慎稱

永樂初陞廣東按察司按察使卒于官

魯謙字文讓建德人洪武二十三年由人材授刑

部員外郎累官至福建左叅議宣德二年賜

誥有踐更多任克舉厥職之褒進階朝議大夫卒

於官

洪俊字宗傑淳安人洪武間由太學生歷桐城都

昌兩縣丞陞都昌知縣調泰和所至御繁以簡

不勞而治吏民畏服秩滿老稚攀轅不忍其去

立祠以祀之

林貢字浚仲建德人洪武二十八年由儒士為蘇

州府推官歷大理寺評事寺副寺正陞開封府

知府居官廉能所至稱之改任交趾卒于官兄

貫洪武間以明經為本縣儒學訓導

項伯英建德人由太學生中洪武三十二年應天

鄉試授池州府建德縣教諭施教有方多所造

就陞工科給事中

童銓字士衡淳安人登洪武三十三年進士第初

任南陵丞攝縣事有聲授知縣丁內外艱民皆

借留之擢禮部祠祭司郎中陞福建按察司副

使

孫瓊字萬芳建德人洪武三十五年由太學生授

景陵縣知縣持身廉介不為威奪利誘抑強扶弱興廢舉墜綽有能聲永樂三年蘇松洪水壞民田廬

上命吏部選天下廉能令督理凡十有八人璽與焉脩築圩岸疏決壅滯咸底成績事竣以老疾乞致仕囊篋蕭然無以為家人至今稱之

烏濬字士哲建德人登永樂二年進士第授禮科給事中剛介敢言有聲朝著卒於官

陳禮字以敬建德人由太學生中永樂六年應天府鄉試授監察御史有能聲陞河南按察使洪

熙元年

賜誥有寬厚和平有為有守之褒進階通議大夫改廣東按察使致仕卒

洪宗榮淳安人永樂中由太學生任山西布政司經歷改同知高唐州遷兩淮鹽運副使調福建市舶提舉所至皆有聲去高唐時民皆泣下相與留其靴懸於州門

宋興字原仁淳安人永樂中由太學生授刑部主事改吏部遷禮部郎中尋陞河南叅議叅政布政使歷敷中外幾四十年政尚忠厚不事苛察

虞已下人號賢方伯引年而歸卒於家

聞質字仲彬桐廬人永樂中由鄉舉入太學授工部主事在任勤能遷吏部郎中尋陞湖廣布政司右叅議轉江西叅政致仕卒於家

俞可字可久桐廬人永樂中由鄉舉入太學授兵部車駕司主事累蒙差遣備著效勞陞刑部交趾司郎中時刑部獄有強盜三十餘人罪當抵死內有章谷保者年方十五繫獄已五年矣可曰馬有十歲而能為強盜者乎即奏雪其寃處事精詳同官皆自以為不及未幾告假歸卒于家

袁玻字孟彰桐廬人永樂中貢入太學授南京工部主事提督海舟採辦川木事完而民不擾奉詔宣慰海外諸國蠻夷帖服

蜀靖王薨命掌行喪禮人稱得體宣德中考績優最

賜勅褒嘉有克效勤勞之語致仕卒於家子曙字宗晨善吟咏有詩集傳焉

葉政字仲德壽昌人由太學生登永樂十三年進士第授監察御史調高安縣知縣有惠政於民

卒於官

余思寬字仲容遂安人登永樂乙未進士授河南道監察御史性廉潔剛介巡歷直隸江西等處除奸剔蠹克振風紀服闋補湖廣道考治行第一先是巡按江西適寧藩暴虐初肆思寬豫燭其隱直疏其跋扈之漸事下法司得實朝論壯之仕至廣東按察司副使

章增遂安人宣德間由太學生授永清知縣值歲累歉增設法賑濟民感其惠邑有鐵河久塞水利不_一荒田五百餘頃增為浚之自是田闢而歲登民歌之曰鐵河穿田有年桃花洞千餘人自昔負固為患增請於朝曲宥其罪皆帖服為編氓未幾舊尹復任改知華亭永清民數千狀其政蹟乞留弗獲居華亭六年以疾卒

章贊遂安人永樂中領鄉薦歷知漢徐通三州廉介不汙愛民如子其在徐州嘗奏免饑民糧六萬石民咸德之

盧廷俊字彥俊淳安人永樂中領鄉薦分教崇安善於造就士多歸之繼陞都昌知縣改臨川時有饒姓女許唐家子未歸女私於人一日婿至

卒於官

余思寬字仲容遂安人登永樂乙未進士授河南道監察御史性廉潔剛介巡歷直隸江西等處除奸剔蠹克振風紀服闋補湖廣道考治行第一先是巡按江西適寧藩暴虐初肆思寬豫燭其隱直疏其跋扈之漸事下法司得實朝論壯之仕至廣東按察司副使

章增遂安人宣德間由太學生授永清知縣值歲累歉增設法賑濟民感其惠邑有鐵河久塞水利不_一巡荒田五百餘頃增為浚之自是田闢而歲登民歌之曰鐵河穿田有年桃花洞千餘人自昔負固為患增請於朝曲宥其罪皆帖服為編氓未幾舊尹復任改知華亭永清民數千狀其政蹟乞留弗獲居華亭六年以疾卒

章贊遂安人永樂中領鄉薦歷知漢徐通三州廉介不汙愛民如子其在徐州嘗奏免饑民糧六萬石民咸德之

盧廷俊字彥俊淳安人永樂中領鄉薦分教崇安善於造就士多歸之繼陞都昌知縣改臨川時有饒姓女許唐家子未歸女私於人一日婿至

女家殺之而匿其尸婿母訴於縣懲女家不服
廷俊焚香祝天曰願雪婿冤翌日庭有鳥鳴甚
哀廷俊曰得非死者訴冤乎果爾宜前導守鳥即
飛而前使人尾之至深谷中乃得尸女家驚服
阮士進字志學建德人永樂中由舉人授羽林前
衛經歷陞貴池知縣律已甚嚴而御下以寬均
徭省賦興學勸農甚得民譽以母老乞歸養卒
於家子紹為泉州府經歷孫浩曾孫珩皆任教
諭文名為世重云

徐朝宗分水人登宣德二年進士第授貴州道監
察御史廉正有為不避權勢正統十二年

賜勅褒嘉陞河南按察司僉事景泰四年陞福建
按察司副使丁外艱服闋改山東副使所至有
聲天順七年致仕自號歸山道人有詩集藏於
家

傅宗字本源建德人宣德中以春秋中鄉舉授貴
池縣訓導遷國子助教擢翰林院檢討兼右春
坊右司諫景泰四年

賜勅有謙恭和厚勤慎周詳之褒天順元年陞雲
南右叅議丁內外艱改四川提督松潘等處邊

儲右叅議卒於官歷任四朝無銖積以遺子孫家有舊田廬悉以讓諸弟所餘惟文藁而已子能孫咨皆貢授教諭世有清白聲

周時雍遂安人宣德中領鄉薦授南昌府同知為人純篤鄉里稱焉其歸也日以讀書教子為務何璇字文器淳安人正統中領鄉薦授工部主事為人剛方遇事敢為雖繁劇有所不憚人服其能後以疾歸終于家

許儼字畏之淳安人為入聰敏有學正統間領鄉薦授應天府通判在任以清慎聞卒于官

邵崑字彥壁桐廬人正統中領鄉薦授常州府學訓導丁內艱改吉安府學訓導景泰二年聘典會試文衡

賜衣一襲陞餘干縣知縣以治最累蒙旌異秩滿邑人惜其去相與祀於學祠成化三年陞撫州同知後考績赴

京便道拜父塚以疾終于家

柳勝華字景芳建德人景泰中授澧州知州居官廉潔蒞治精明吏畏而民懷之時華藩初封軍校橫甚勝華飭躬正色一繩以法民始獲安澧

州在荆岳常武之間軍民土田疆界錯襟乃經制未定囂訟寔繁勝華履畝清覈至今冊籍皆其版圖較若畫一尤加意教化作興士類脩學校建號舍課試勵行章逢誦焉在任九載治行為諸郡最秩滿當陞去闔郡保留天順五年卒于官民哀之控諸當道祀名宦祠詩文咏歌盈帙勝華家嚴肅奕葉子孫彬彬接武僉謂不盡之留云

姚龍字訥言文敏公夔之從弟也正統七年同登進士第授刑部主事時北虜寇邊奉

命巡撫河間得便宜行事龍團結民快申明約束廣儲畜脩城堡民心始安景泰改元署員外郎事遷福建叅議丁母憂不赴服闋轉河南叅政聲譽益著嘗見

鄭王王曰人中翹楚也書溫良忠信慈惠廉勤八字褒之尋陞福建左布政使以疾致仕終于家龍為人剛方嚴毅直道而行不肯枉已徇人迎合權要所至承流宣化興利除弊務在便民而已公退則正色危坐焚香讀書人不敢干以私其端重有威如此然清脩玉立質美如畫見者

無不愛之子綱領鄉薦授順天府通判紀大學
生

郎勝字汝彬建德人僉事慶之從子也登正統七
年進士第授行人司行人遷廣東道監察御史
克振風紀見稱於時景泰間奉

勅清理南畿戎政明燭幽隱下不能欺尺籍宿弊
悉革天順間陞福建按察司副使提督銀場關
防嚴密盜莫敢竊巡歷郡邑激揚有聲成化己
丑致仕勝學有源委尤長於易禮聞嘗錄其經
義受其指教者多擢科第謝事歸巍然為後進
師表者二十餘年弘治四年卒壽八十四人至
今誦之

柴文顯建德人幼習舉業尤精於中庸號柴中庸
登正統十年進士第授監察御史巡按福建激
濁揚清一道畏服凜然有范張攬轡埋輪之風
未幾以親喪解官守制於家有巨璫者惡其與
已不合因閩寇竊發羅織其罪置於極典天下
冤之父勝永樂間以耆宿直言民困

朝廷為蠲其賦後者三年合境感德內翰泰和陳
循為表其墓

姚富字士傑桐廬人正統中領鄉薦授廬陵縣學教諭景泰七年順天府聘同典文衡取士惟公丁內艱改江都縣學尋陞代府長史獻可替否多所裨益王甚重之以老疾乞致仕卒于家方輔字廷臣淳安人登正統十三年進士第授兵科給事中陞江西布政司右叅議御史趙敵以績聞

賜誥階朝議大夫卒於官輔達大體篤於倫理所至有能聲

林茂字仲榮建德人由太學生授新建縣知縣當道廉知其才嘗委督運以給兵發廩以賑饑皆著能聲致仕卒年八十

滕志學字希賢建德人景泰中由舉人授潼川州知州先是州學傾頽日久有司莫能興志至一撤而新之於是士風振發登第者相繼焉丁內艱而歸卒于家

吳福字天錫淳安人登景泰二年進士第授兵部武庫司主事有能聲陞本司郎中仍進封二代致仕家居酷愛山水因號雲峰居士每以成就後學為已任若少叅徐鑑尚書徐貫大叅邵新

皆其高弟也

方淵字宗源淳安人明尚書贍詞藻累試場屋弗利每遇門人先著鞭必喜形於色若已有之人有難之者輒引范魯公語曰賦命有疾徐青雲難力致非矯也素性如此後以太學生授鳳陽蒙城令慈祥豈第一以愛民為主其廳事四壁徧書先正格言以自警民多德之秩滿引年致仕卒於家所著有龜鶴山人吟藁二卷貽哂藁三卷

洪瑛字宗瑩淳安人成化三年由太學生授邵武通判興利除害民皆以為得之晚甫八月即以外艱去任後邵武脩志載瑛於名宦服闋改順天府通判專理馬政秩滿銓曹以廉能幹濟達於

上賜勅褒嘉卒於官

汪賢建德人宣德中由太學生授館陶縣知縣在任公廉吏民悅服卒于官

詹仕本建德人天順間由太學生授潛江縣學教諭訓迪有方士多造就祖克誠洪武初以明經舉為臨海縣學教諭父志永永樂初亦以明經

舉為零都縣學教諭三世俱領教鐸人以儒紳家稱之

許閻字和仲淳安人質敏而篤於學登景泰五年進士第授監察御史在朝謇諤不避權貴嘗巡按南畿廣東山西吏民間風畏服所至以廉能著稱蚤卒宦途未究所施為可惜也

呂聲字廷和桐廬人寓崇德登景泰五年進士第授進賢縣知縣持身廉介剛直不撓作古選及嫁女歌俗為之變臨川吳與弼賦詩頌其德政甚詳秩滿陞太僕寺丞馬政脩舉民之獲免於陪償者甚衆成化十七年致仕

胡叔英建德人景泰間由太學生授河南新鄭縣知縣在任多善政公廉有為吏民敬而愛之以老疾致政歸卒於家

阮孟昇建德人成化中由太學生授奉節縣知縣丁憂起復改除雲陽縣所至皆有善政民至今思之致仕卒於家

徐端遂安人成化間由太學生授武平縣知縣民俗喜鬪訟而不尚詩書端改建學宮於爽塏之地銳意作興訟者從容譬諭俟其自改未嘗輒

加以刑人皆悔服先是邑多水潦蕩析民居端為築大堤數里以禦之始免墊溺之患卒于官
項文泰淳安人吏部侍郎文曜之弟也登天順四年進士第授工部主事克盡厥職陞本部郎中卒於官

姚壁字良甫桐廬人少保文敏公夔之家子中景泰七年鄉試天順八年彭時榜進士授兵部職方司主事臨事有為陞本部郎中時有權貴竊弄威柄中外側目壁合在廷之臣上疏劾之未幾為所中傷左遷思明府同知卒于官

俞澤字益之桐廬人登天順七年進士第授兵科給事中未幾掌科事坐事左遷滁州州判未赴而卒澤為人鯁介不苟合居官清慎四方覬遺一無所受人皆多其有守

俞蓋字廷臣桐廬人登天順七年進士第授監察御史巡按真定江西等處所至有聲坐累左遷澧州州判尋陞茶陵知縣安陸知州俱有善政太監韋貫以鄖陽新設繫控制地方奏蓋為知府致仕歸卒于途

陳廷忠建德人成化中由太學生授南安縣知縣

公廉有為人不取欺興利除害政聲甚著
朝廷嘗旌異之卒于官

商良臣字懋衡淳安人文毅公輅之子也登成化
二年進士第授翰林庶吉士累官至翰林侍講
卒於官良臣天資淳厚學行老成文章器識無
愧於父衆皆惜其早世不克究其用云

徐莊字敬夫壽昌人登成化二年進士第授中書
舍人陞山西布政司叅議弘治五年致仕卒於
家莊賦性剛介與人寡合歷任內外咸以清慎
聞士論重之

何淳字尚質淳安人登成化二年進士第拜監察
御史巡按南直隸風裁凜然尋陞貴州按察司
副使改湖廣時旱潦相仍民艱於食淳設法賑
濟全活甚衆既而河南山西陝西饑民扶老携
幼流移湖湘間道路相望不旬月動以萬計淳
命有司驗口計程量給糧食遣之皆感泣而去
陞按察使卒于官

邵猷字陳之淳安人登成化五年進士第九名授
江西新淦縣知縣在任興利除害百廢畢舉吏
民懷之秩滿卒于官士庶為之立遺愛祠

吳祚字天保福之弟也淳安人登成化五年進士
第授江西道監察御史有能聲尋致仕卒於家
林鴻字時叙建德人幼篤志好學成化間由太學
生授甌寧縣知縣六事振舉丁內艱服闋復補
連江邑民邊海不知藝麥鴻至教以播種之法
始獲其利咸歌誦之歲旱禱雨甘霖隨澍民為
建喜兩亭致仕卒於家

洪廷臣淳安人登成化八年進士第授刑部主事
讞獄平允陞湖廣按察司僉事致仕卒于家

盧鴻字雄飛淳安人登成化十一年進士第授工
部都水司主事在任清謹克修厥職奉使荆南
事竣過家而卒

楊達字文達建德人成化中由太學生授宿州同
知時歲歉奏減賦稅民困以甦提督兌運軍士
悅服在任六年致仕卒

方謙字克和建德人成化中由太學生授霑化縣
知縣先是連年水旱逃亡者衆謙在任六年撫
字有方民多復業時有一粟雙穗一蒂雙瓜之
瑞人皆以為德政所感年五十致政而歸

陳經字載道建德人成化二十二年太學生授漳

州府推官律已公廉處事詳審漳俗好訟由經
所訊鞫者人皆以為無冤在任七年致仕而歸
郡民皆惜之

劉縉字廷重分水人天順己卯舉人初授教職陞
武昌知縣撫民以仁後因親老棄官歸養二十
餘年足跡不履公門

張瑄字宣甫建德人永樂中貢授邳州同知有惠
政陞太平府通判公廉不苛吏民懷之致仕歸
徐球字廷美分水人領成化丙午鄉薦初任桃源
教諭陞南京國子學正預脩

憲廟實錄大明會典上膺

勅命歷陞梧州府同知太平府知府撫禦夷民動
中機畫地方賴之致政歸田二十餘年壽八十
二有雲松遺集

胡榮字信之淳安人登成化乙未進士授直隸毫
縣知縣公廉謹敏以勸學興禮為首務民訟多
誣榮聽之每得其情舊俗漸革時渦水橫溢貽
患地方榮為奏聞拯恤之民始獲安未幾病終
囊篋蕭然無以為殮巡按張瓚悼嘆不已命有
司為營治喪事毫民悲號如失怙恃

吳誠字性夫淳安人自幼穎悟有大志商文毅公器之納以為婿登成化乙未進士歷官兵部武選郎中銓衡守法吏不得售其私與時不合引例而歸所著有後樂亭稿藏于家

邵達字弘道淳安人領成化甲午鄉薦授湖廣常德同知丁內艱服闋改直隸永平府蒞政清理又匿軍伍奏免灤河坍江地稅創築邊塞長城都御史洪鍾等交章旌薦擢貴州鎮遠府知府引年乞休

詔進階亞中大夫既歸林下廉靜自重杜門觀書而已

徐憲字子肅淳安人領弘治壬子鄉薦授路南州知州州故百度廢弛群盜縱橫憲下車多方料理招集夷民教以耕織生擒賊首百餘人又單騎深入龜山竹山招諭群賊皆降之遂願為編戶人稱其有韜略奇才當道交章引薦憲執理不回與分守陳一經不合遂陳致仕家居之後惟心課子讀書為務年八十餘歲手不釋卷有五峰集藏于家子汝圭字德升登嘉靖丙戌進士官至密雲兵備副使實其所親訓云

吳欽字敬夫淳安人登正德戊辰進士授直隸丹徒知縣陞刑部主事審錄江南八郡刑無寃民歷員外郎陞湖廣按察司僉事分巡荆南遣監利石首二縣盜賊出沒據險寇亂十餘年無敢禦者欽設奇撫捕獲賊首楊棋一百四十八人餘黨解散撫按交章奏聞

賜以綵幣轉巡湖北帶管兵備先時土苗入寇遠近震駭欽至引兵深入苗寨諭以禍福擒其渠魁數人而還餘悉遣之邊檄以寧尋以疾致仕家居十餘年而卒

王子謹字如容淳安人參政宥之子也領正德庚午鄉薦丁外艱服闋母強其就選時吏部侍郎董玘閱其文大奇之曰此甲科才也置第一授夷陵知州以內艱起復改海州所在有聲平生至孝在親側未嘗有怒詈呵叱之聲親疾則累月衣不解帶居喪哀毀骨立人比之曾參云徐澹字景禹淳安人登嘉靖己丑進士授直隸常熟知縣紮已奉公謝絕請謁勢家忌之擢湖廣荊州府通判吏侍門韜聞其賢薦陞南京吏部主事郎中轉廣州府知府未任而卒

俞穆字舜牧建德人布政使夔之弟也登嘉靖癸未進士授新淦知縣拜南京山西道監察御史前後題奏皆切時政未幾解組士論惜之

陳瑋字良用建德人領嘉靖壬午應天鄉試第二

少與俞淳從章懋游後授長泰知縣有聲推刑

部主事淳授博羅教與瑋齊名入博羅名宦祠

李可正壽昌人少穎悟通敏卓越不群以貢任四川達縣主簿達繁劇多盜可正練達處置擒緝宴然辨寃釋獄民誦其仁後解組歸卒子鼎以貢任宣城縣丞孫鰲亦以貢任阜平知縣皆著政聲能世其家云

魯承恩字光世建德人領正德己卯鄉薦任和州知州咨詢民隱延禮師儒置社倉編墩夫均徭役省馬厰革協濟民甚便之適江洋巨盜為害承恩率民兵悉擒之地方以安陞永州府同知累有政績進奉政大夫贈父如其官陞都勻知府時征麻陽寇省檄督運兵餉勞瘁觸暑暴卒于辰州督府命官賻櫬為文以祭之所著有和陽稿需命稿睦族等集

羅椿枝字日新桐廬人幼能詩文長淹經史登嘉

靖乙未進士授丹陽知縣路當衝劇剖畫裕如
邑有豪右殘虐閭里椿枝執法繩之陞工部主
事管理六科廊下庫坐忤中官逮獄事白謫達
州同知巡院素鳳鳴有一介不取百折不回之
薦再遷曹州同知適城武河溢倉卒築堤數十
里尋擢濱州知州卒椿枝為人素負經濟著有
書經直指萬里風烟集

鄧椿字德邵建德人領正德己卯鄉薦授武進教
諭兩省聘主鄉試丁內艱服闋補南樂行取赴
部選注御史尋改寧國府同知當道交薦秩滿

陞黎平知府夷民懷惠未幾致政歸著有仰高
錄行于世

何雲鴈字時賓分水人嘉靖庚子領南畿鄉薦登
辛丑進士選庶吉士尋改工科給事中陞吏科
都給事中前後章疏多所建白歷太常少卿南
京通政調四川兵備副使陞江西叅政未任而
卒

柳本泰字士亨建德人領嘉靖乙酉鄉薦入太學
師事呂涇野聞主敬窮理之學授上高知縣時
邑中有大俠素為民害用計除之良善雖安而

橫恣者輒以量田起謗在任六年致政歸家行
李蕭然居鄉敦睦建先祠立宗約有古君子風
教子以科貢登仕年八十二而卒所著詩文甚
多歲于家

右闔郡縉紳自漢朱買臣方儲而下蓋以百
計悉載舊志文毅文敏言之詳具登

國朝實錄無庸贅矣若莊懿拱辰康懿貫莊襄諫官保
名臣歿彰美謚欽奉

勅諭所宜特書其卿貳曰項文曰徐懷曰王浚都憲

曰宋曼太僕卿曰方漢方伯曰洪弼曰王子

曰俞夔曰余鍔憲長曰何淳曰吳倬大叅曰

應顥曰邵新曰王宥曰何紹憲副曰周瑄曰

方中少叅曰徐鑑曰程愈暨諸先達科目之

英列傳所書皆可稱述似難軒輊後之秉筆

君子豈無有循名核實表而出之者哉

地封

天朝錫予寵待群工陟明列最代有

褒封生榮死哀秩典攸同為臣為子思孝思忠

建德縣

國朝

徐旻以子述貴贈中議大夫福建邵武知府配章
贈恭人

徐文玉以孫懷貴贈通議大夫南京刑部右侍郎
配洪贈淑人

徐宗政以子懷貴贈通議大夫南京刑部右侍郎
配童贈安人

王璿以孫浚貴贈通議大夫都察院右副都御史
王金以子浚貴贈通議大夫都察院右副都御史

俞廷貴以子夔稷累贈四川僉事配魯累贈宜人
魯鎮以子承恩貴贈永州府同知

陳思恭以子塘貴贈文林郎
魯本立以子棠貴贈登仕郎

王思明以子廷相貴封文林郎兵馬指揮
淳安縣

宋

方逢以子閔貴封朝請郎

方適以子閔貴累贈至中大夫

方奕以子聞貴累封至朝奉大夫

胡式以子一之貴封奉議郎

胡汝礪以子南逢貴封奉議郎

國朝

商敬中以孫輅貴加贈資政大夫兵部侍郎兼翰

林院學士配胡加贈夫人

商仲瑄以子輅貴加贈資政大夫兵部尚書兼翰

林院學士配解加贈夫人

洪源以子嶼貴贈工部主事

項惟陽以孫文曜貴贈嘉議大夫兵部右侍郎配

方贈淑人

項仕顯以子文曜貴加贈嘉議大夫兵部右侍郎

配張贈淑人

胡志良以孫拱辰貴加贈資政大夫工部尚書配

盧加贈夫人

胡澤以子拱辰貴加贈資政大夫工部尚書配吳

加贈夫人

宋仲堅以子興貴加贈禮部郎中配汪加贈宜人

周景輝以子瑄貴贈承德郎刑部主事配袁封安人

應惟善以子顯貴封文林郎監察御史配方繼周

俱孺人

方宗武以孫漢貴贈中大夫太僕寺卿配邵加贈

淑人

方本康以子漢貴加贈中大夫太僕寺卿配何加
贈淑人

何公郁以子陞貴贈徵仕郎戶科給事中配盧贈
孺人

方稜以子輔貴贈徵仕郎兵科給事中配王贈孺人
洪宗德以子弼貴封文林郎河南道監察御史配
黃贈孺人

吳晉以子福貴加贈奉議大夫兵部郎中配方應
俱封宜人

許永効以子閻貴封文林郎山東道監察御史配
項贈孺人

何宗叙以子禮貴封承德郎吏部主事配方封妻
徐宗顯以孫貫貴贈太子少保工部尚書配洪贈
夫人

徐士恭以子鑑貴贈從仕郎戶科給事中配王封
孺人

徐士威以子貫貴累封贈至太子少保工部尚書
配錢封至夫人

王志善以子賓貴封文林郎山西道監察御史配
余贈孺人

吳大濟以子誠貴封承直郎兵部主事

何昌同以子淳貴贈文林郎監察御史配王封孺人
許永勛以子儼貴贈承德郎應天府通判配洪封

孺人

應惟賢以子頊貴封徵仕郎光祿寺署丞配徐封

孺人

方文俊以子中貴封文林郎河南道監察御史配

胡贈孺人

邵宗義以子新貴加贈禮部儀制司主事配方繼

方俱贈宜人

程敏恭以子愈貴加贈奉直大夫禮部員外郎配

方贈宜人

洪士大以子廷臣貴贈刑部主事

吳仕才以子倬貴封南京刑部主事配邵封安人

徐珪以子澂貴贈南京吏部主事配盧封安人

徐壁以子初貴贈文林郎直隸東流知縣

徐讓以子楚貴贈工部營繕司員外郎配王贈宜人

商汝泰以子承學貴封御史

程寶以子燭貴贈文林郎南京兵馬指揮

程文楷以子娃貴贈文林郎知縣配商贈孺人

徐暉以子廷綬貴贈知府配王贈恭人

桐廬縣

國朝

袁以道以子坡貴贈承德郎配王封安人

姚弘以子龍貴贈承德郎配俞張俱封安人

俞深以子鑑貴贈承德郎配王封安人

郭子賢以子文直貴贈承德郎配王封安人

姚伯華以孫夔貴贈資政大夫配楊封淑人

姚惟善以子夔貴贈資政大夫配申屠加贈夫人

俞世綱以子澤貴贈徵仕郎配王封孺人

羅毓以子懋貴贈奉政大夫配任封孺人

俞求仁以子諫貴贈資政大夫配方贈夫人

俞蓋以子諫貴贈資政大夫配張封夫人

汪霖以子九齡貴贈文林郎配姚封孺人

姚懋初以子明達貴贈徵仕郎配趙封孺人

俞一中以子應裕貴封文林郎配徐封孺人

遂安縣

國朝

倪之奇以子以端貴贈徵仕郎

胡允旻以子禎貴贈儒林郎

余惟賓以子思寬貴贈文林郎

余如樂以子濯貴贈文林郎

倪以端以子忠貴贈承德郎

余仕信以子復貴贈文林郎加贈奉政大夫

姚義觀以子銘貴贈南京西城兵馬

余廷奉以子鋟貴贈奉政大夫

余仕洪以子乾貞貴贈文林郎

壽昌縣

國朝

徐志昂以子莊貴贈中書以子龍貴贈經歷

徐資以子節貴加贈中憲大夫

李音以子贈貴贈刑部主事

洪汝文以子景德貴贈承德郎

李鰲以子臺貴封工科左給事中配項封孺人

胡遷以子同文貴封刑部郎中配洪封孺人

分水縣

國朝

徐立以子朝宗貴封御史

何瀚以子雲鴈貴贈給事中配陳封孺人

嚴州府志十四卷終

嚴州府志卷之十五

嚴州

府知府楊守仁 主脩

同知龔天申

通判趙秉攷

推官宋行可 同脩

四川布政使司左叅政徐楚 纂脩

嚴州府儒學訓導楊德興

葉萼

淳安縣儒學訓導顧汝紳校正

嚴州府儒學生員徐方

建德縣儒學生員張世聞

淳安縣儒學生員徐應籌

桐廬縣儒學生員羅昌齡

遂安縣儒學生員吳兆麒

壽昌縣儒學生員李度

分水縣儒學生員陳復華彙集

嚴州府

人物志三

理學

宋代名賢倡道茲鄉喻樛以後儀之融堂龍人有

呂蛟峰有方後先羽翼不詭紫陽斯文一脉

吾黨之光

宋

喻樛字子才建德人受業楊龜山聰明穎悟博通
經史嘗據一巨石以校書因名硯石登建炎二
年進士第趙忠簡公崇尚洛學薦除正字告詞
有曰頃窮西洛之淵源遂見古人之大體雖為
衆所嫉而忠簡知之益信累官工部員外郎知
蘄州孝宗即位用為提舉浙東常平以治績聞
樛為人質直好議論尤善識鑒嘗言沈晦張九

成進士當第一後果然有二女富人交請婚不許及見汪應辰張孝祥曰佳婿也遂以妻之所著有中庸大學論語解及玉泉語錄行於世寶祐甲寅知州季鏞繪肖於學宮祠之

詹儀之字體仁遂安人至猶子也登紹興二十一年進士第乾道間張宣公守鄉郡呂成公分教儀之方家食日以問學為事淳熙二年知信州時朱文公呂成公俱在鵝湖往復問辨無虛日及帥廣東首以濂溪舊治立祠曲江上張宣公為之記後論廣益官鬻之弊孝宗躋之除吏部侍郎知靜江府在任六年官鬻弊革未幾代者中以飛語遂有袁州之行光宗登極念儀之故宮僚許自便既歸而歿公論惜之

錢時字子是淳安人遊慈湖楊簡之門奇偉不群讀書不為世儒之習以易冠漕司既而絕意科舉究明理學江東提刑袁甫作象山書院招主講席學者興起政事多所裨益郡守及紹興守皆厚禮延請開講郡庠其學大抵發明人心論議宏偉指撻痛快聞者皆有得焉丞相喬行簡知其賢特薦之朝且曰時夙負才識尤通世務

田里之休戚利病當世之是非得失莫不詳究而熟知之不但通詩書守陳言而已授秘閣校勘詔守臣以時所著書來上未幾出佐浙東倉幕太史李心傳奏召史館檢閱轉對敷陳剴切皆聖賢之精微旋以國史宏綱未畢求去授江東帥屬歸其書有周易釋傳尚書演義學詩管見春秋大旨四書管見兩漢筆記蜀阜集冠婚記百行冠冕集寶祐間守季鏞祠于學

呂人龍字首之淳安人登景定三年進士第仕終承務郎人龍嘗授業於錢融堂先生之門講明義理所造日高故其曾次灑然有浴沂詠歸之氣象而文詞又足以發之學者因其所居稱為鳳山先生所著有鳳山集行于世

方逢辰字君錫淳安人居蛟峰因以為號初名夢魁淳祐十年舉進士第一理宗御筆改今名故字曰君錫累官兵部侍郎國史脩撰兼侍讀除吏禮部尚書俱不拜先是丞相鄭清之賈似道擅權公叩閣言時事辭旨激烈因忤二公意乃稱疾以歸元世祖詔御史中丞崔彧起之辭不赴卒於家逢辰天稟卓絕人物魁岸聲如洪鍾

自幼刻苦問學夜誦徹旦無書不讀而會極於周程朱子之學以格物為窮理之本篤行為脩己之要自居幕職至秉旄節所至以教化為先務暇日輒從容庠序間授學者以求端用力之方東陽士聞義塾以迎之從遊者數百人尋創家塾授其徒後以從官入侍經緯度宗問其講授之所御書石峽書院四字為扁仍賜手詔曰近進士一科文章盛而古意衰卿以儒碩創家塾以程朱之學淑其徒朕甚嘉之其眷遇如此逢辰在當時倡明正學作新士習蓋欲以繼往

開來為已任者也所著有孝經解易外傳尚書釋傳大學中庸註釋格物入門諸書行於世學者因其所居稱為蛟峰先生肖像於石峽書院以祠之潛齋何夢桂贊曰大原孔孟的派朱張忠恕弘毅剛大正方義存出處道繫存亡立言垂訓德久彌光孫一夔挽之曰前代衣冠第一人老來鳴道振遺音勲庸臣子平生志書易聖賢千古心士碩執經來廐洞客求挾冊售鷄林飛僊雖去斯文在山閣神光照斗參
方達振字君玉蛟峰先生之弟也登景定三年進

士第歷國史寶錄院檢閱文字遷天府寺簿宋
亡退隱於家元世祖詔侍御史程文海起為淮
西北道按察僉事辭不赴聚徒講學於石峽書
院以終學者稱為山房先生以之配祀於蛟峰
其遺像贊曰金春玉應絕學是續派宗紫陽規
脩白鹿以身衛道障川回瀾大節靡虧進退可
觀

胡子廉淳安人自幼慎重不苟言笑書過目輒成
誦弱冠博極群籍不肯一下筆作舉子文字既
而聞東萊呂成公之學遂從之遊盡得其蘊後
歸不復慕仕進窮居樂道以終身焉

元

邵大椿字春叟壽昌人景定甲子年甫十二即領
鄉薦為書經魁既赴南省不利歸益勵志明於
理學至元戊寅郡庠延聘講書歷壽昌龍游教
諭婺源晦庵書院山長元初士子溺於詞章之
習大椿倡明理學以淑人心學者始知所趨向
所著有四書講義若干卷

儒林

人材淵藪氣運攸鍾郡稱多士鄒魯同風南

軒東萊過化遺蹤高山仰止後學景從

宋

方慤字性夫桐廬人家世為儒慤性至孝父死廬墓飲食寢處皆如禮三年喪畢猶不肯歸妻欲往視使人諭之曰汝勿來潭深神靈必覆汝舟妻遂止乃覃思積年註禮記集解待制王儀之為之序政和三年領鄉薦至京師遊上庠表進記解於朝詔賜上舍釋褐而頒其書於天下學者宗之及居官所至以剛廉稱家置萬卷書堂雖老手不釋卷朱文公嘗曰方氏禮記解儘有

說得好處不可以其新學而黜之也後陳澔為禮記集說多引慤解

國朝脩禮記大全亦往往見採焉

趙彥肅子子欽建德人天資孝友留意聖賢之學窮理盡性弗深造自得弗措也登乾道二年進士第會光皇遺劔輟三年不仕宰臣周必大薦之孝廟甚力彥肅益以近名為嫌仕至寧海軍節度推官所著有易說及廣學雜辨士冠士婚饋食圖行于世朱文公觀其書嘆曰近世未有如此者敦者學者稱為復齋先生嘉定己卯知

州鄭之悌即祥符寺遺址建堂祠之命學官春秋詣祀寶祐甲寅知州李鏞復繪肖於學宮之先賢祠

徐孝恭字季中淳安人與弟孝寧孝友自邑郭遷河溪杜門精究五經而孝恭尤深於易人號五經徐氏隆興淳熙間兄弟聯登進士第孝恭主德化縣簿改教兼善士多從之

胡朝穎字達卿淳安人登乾道八年進士第歷武昌令通判嘉興時宰相鄭清之家奴暴橫朝穎執寘諸法移書謝云以天子之命官撻宰相之

奴僕罪當避位清之得書以聞帝喜曰得一佳士矣除守岳州兼湖北提刑至官謂其地為東南上流非書生坐嘯之地乃精士類厚公蓄嘗以道學不明詞章隘陋為歎慨然自信其獨見而躬行之諸生及門者皆超然拔於流俗之表有靜軒集三卷武昌雜詠西湖百韻詩餘各一卷

方鏞字伯治淳安人少以詞章名兩魁郡試後棄舉業盡心聖賢知行之學每曰人與天地對立者文藝云乎執日訓諸子所講明必以窮理盡

廣州府志 卷之五
性為先至於應事接物則以持敬實踐為功其
教不言而躬行不見其有的然之迹而家庭日
用起居無非六經之道暨二子逢辰逢振前後
及第乃曰吾昔以為不足為者今吾兒為之爾
曹勿謂是也及第後大有工夫後授宣教郎秘
書省檢閱文字轉奉直大夫兩淮制置司叅謀
官

黃蛻字新之淳安人號警齋淳祐七年廷試進士
第二方逢辰題綵對以迎之云狀頭留後舉榜
眼探先鋒蛻答之云吾與狀元留地位先須榜
眼破天荒以科逢辰果中狀元蛻學博而正著
作不留彙人得其片紙隻字必珍藏之自建昌
軍僉判遷大理卿所至以文學知名未幾歸老
於家而卒學者祠之於石峽書院徐夢高贊之
曰巍科早掇魁業開先進不汲汲退亦恬然冰
蘖之操金石之堅身脩不貳體受歸全

倪天隱桐廬人博學能文嘉祐中縣尉江賢建講
堂於先聖殿後請天隱主之士風振發多所造
就嘗為縣令葉安道作題名記論三代以諸侯
治後世以郡縣不治甚有理其戒後之為令者

企善而懲惡無為石羞有助於教化云

黃宗仁字榮甫蛻之弟也登淳祐元年進士第累官至司農少卿亦嘗註書學者祠之於石峽書院

何夢桂字巖叟淳安人幼穎悟從鄉先生夏訥齋遊所得良多咸淳元年廷試第三授台州軍判官改大學錄遷博士添倅吉州時廂軍不受令鼓譟而起夢桂輿疾往諭遂帖然除太常博士轉監察御史抗疏言守避之計大略謂今之言守者以守為守不若以攻為守以避為避不若

以守為避書未上而省符遷軍器監以歸尋轉大府卿時事已不可為矣元初御史程文海薦之朝授江西儒學提舉以疾辭不赴築室小有源不復與世接著書自娛有易衍大學說中庸致用等書而于易尤精解釋圖象發揮奧妙有先儒所未言者學者因其自號稱為潛齋先生祠之於石峽書院

洪楊祖鎮東節度判官璞之子也嘗從袁甫錢時講貫義理之學以切直恃時調寧浦教授廣西趙帥避入幕論嶺南買鹽及橫山以錦易馬事

多所建置裨益遷京教除太博置登善錄書諸
生之善言善行而不及其過惡召試館職除正
字輪對者三懇懇以講學正心誠意啓沃君心
自號錦溪有文集傳于家子元恭繼春秋家學
號後村云

汪自明大理卿自強之從兄弟也學問博洽時稱
汪六經撰禮義林合四十卷從姪孫斗建嘗為
學官有雲留小藁

胡應璩字粹翁淳安人明性理之學隱居教授不
求仕進著理髓三卷後學宗之

陸震發字德甫淳安人少聰敏書多淹洽而尤明
於春秋淳祐中知州王似知縣虞執力薦之朝
以親老乞鄉校就養乃授學諭嘗撰脩學記有
云人之一心本自虛明本自廣大無賢不肖均
具至理特患物於物而不能物物耳其脩已教
人一本諸此所著有春秋講義業志一卷

錢允文淳安人從季父融堂先生遊研精義理尤
善屬文登咸淳元年進士第歷武岡縣令嚴而
愛敏而不苛權豪有所犯執法不少貸由是強
猾斂迹有文一帙傳于家姪端宗領鄉薦主嘉

定學教有安定遺風焉

郭順字養正壽昌人少孤貧勉學從呂成公游經魁南省登進士甲科精於易通數學宦情薄甚終軍器監主簿築室於所居之南號固齋讀書其中屢空晏如也

何景文字俊翁潛齋先生之從姪也同受學訥齋又同年登第御賜一聯云一門登兩第百里足三元以黃蛻榜眼方逢辰狀元何夢桂探花為三元初授合肥簿遷監行在文思院學問卓絕後進師之亦夏門高第也

徐唐佐字君輔淳安人登咸淳四年進士第歷衢州教授至行在權院官生平力學自奮未嘗隨俗俛仰晚年家居貧甚操行峻潔為後學師表從弟夢高字明叟學尤精粹教授衢州有菊存藁一卷

方一夔字時佐淳安人幼承家訓壯與何潛齋諸老游學問該博行誼醇篤累科弗第後應薦領教郡庠未幾退隱富山授徒講學門人稱富山先生所著有富山遺藁於世

魏新之桐廬人受業於青溪方蛟峰得程朱性理

之學登咸淳七年進士第除鄞府教授宋亡歸
隱鄉里學者稱爲石川先生與同邑孫潼發袁
易爲友易咸淳十年附甲特奏第一名釋褐爲
學正德祐失國亦浩然而歸以其所得教授於

鄉

翁夢得字景說壽昌人唐詩人洮之後也通春秋
端平咸淳間兩中詞榜尋隱居教授所著書有
若干卷行於世

徐文鳳字伯恭壽昌人從吳興陳本齋先生存受
春秋故其經學卓有原委咸淳間屢魁胄監賜

釋褐第二名出身仕至權知象山縣以慈惠稱
本齋開閩沿海辟入簽廳咨決庶務全活者尤
衆至元革命隱居教子世其家學者春秋捷徑
十卷行於世

鄭時中字玄璋壽昌人少聰俊博學善屬文明五
經兼通子史以漕試得舉見宋將移嘆曰吾
其左袵矣浩然有遯世志遂居家不仕研精覃
思作春秋指迷詞旨高遠開諭後學亶亶不倦
以經籍自娛絕口不談仕進人或問之荅曰人
生富貴利達皆身外物吾有先人薄田敝廬足

以供飡粥蔽風雨讀書誦詩足以陶性情以樂
吾生豈不快哉親授二子各一經皆有成立嘗
語之曰吾友邵西坡詩云取相封侯兒輩事老
夫只占月三間功名之事汝自為之非吾願也
王日休分水人右司諫縉之子也登紹興五年進
士第授朝請郎嘗著九丘總要三百四十卷以
進光宗嘉之進官一秩遷朝奉大夫弟日勤亦
登進士第授左朝散郎

項庚老淳安人博通經史累舉進士不第教授鄉
里其徒如方有孚邵桂子皆登科第

何逢原字文瀾分水人咸淳間累官中書舍人嘗
因輪對陳時政十事言甚剴切已而知時事不
可為遂引疾去元至元中御史程文海薦之朝
授福建儒學提舉辭不赴卒於家逢原專究經
史旁通陰陽星曆醫藥之書至於佛老之說亦
必辨其所以背於吾儒者所著有易詩書通旨
若干卷四書解說若干卷玉華集十卷感遇詩
一卷

元

夏希賢淳安人究明性理洞詣本原而會其極於

象山慈湖之要杜門不出者三十餘年家雖貧甚泰然自如如有君子風學者稱之曰自然先生子清之大之潛之皆承家學

吳暉字朝陽淳安人八歲能詩文不屬彙而成極意於性理之學泰定間登第出丞番陽時邑賦金非雲南葉金則不堪民患之暉言於朝始得輸常金入賴以蘇陞鎮平尹兼諸軍事凡理軍治民咸得其宜轉峽州路經歷未幾即解印以歸授徒講學從之者戶履雲集若方道壑輩皆其門人累贈至翰林脩撰所著有集并詩文二十卷

十卷

方道壑字以愚淳安人蛟峰先生曾孫也從同里

吳朝陽先生遊以春秋名當世登至順二年進士第授翰林編脩官所撰后妃功臣諸列傳筆削大義獨斷於心無能議者調嘉興推官凡讞獄囚必脫其桎梏賜之飲食溫言和氣以探真情再調杭州判官遂引疾以歸累轉奉政大夫江西行省員外郎洪武初兩被召俱不赴所著有春秋集釋十卷愚泉詩彙十卷詩說一卷文說二卷選唐詩一卷侍郎洪璵贊之曰豪傑之

才雲漢之章裨補帝袞金馬玉堂學淹麟筆心
契羲皇文章道德千載耿光

陳鼎新淳安人宋學考雲鵬學錄繼善後工吟咏
著述甚富惜藁不傳吳朝陽鄭德彛深重之嘗
率衆立義田以給庠校遊士官至教授卒于家

國朝

張復字明善淳安人德性弘毅博通五經而尤邃
於春秋郡守親聘司訓郡庠一時學者翕然宗
之稱為書隱先生所著有春秋中的一卷至八
論淳安春秋者必曰吳朝陽宋夢鼎魯道源張

明善四先生云

洪源字子泉淳安人少知學問而尤精於易洪武
中以太學生授安仁學諭其為教專以明道務
實為先每謂諸生曰講學須明聞道須行毋飾
外以叨虛名歷教滁州邵武福州持心如一日
既卒以子興貴贈工部主事

鄭崇字景召壽昌人上世乃東萊呂成公之外孫
故其易學素有源委崇少聰敏書一過目即不
忘從鄉先生邵顧齋明性理之學每出邑庠教
官皆師事之質以經史與義浙江按察司分巡

官魏觀至縣必延至以師傳待之其道學淵源
文詞富贍一時莫與為比

俞深字景淵桐廬人洪武間以鄉貢入太學時
太祖高皇帝幸學講中庸二字累數萬言深得啓沃
義因稱之曰天下能說書生俞深歷任寧德阜
平汶上儒學教諭皆有成效後大學士楊溥知
其學行保陞建寧府教授三典文衡取士得人
博通五經究極諸子篤厚端謹處家一規文公
禮書正統七年卒于官所著有範疇解發明蔡
九峰之蘊雜文十卷雜詩十卷欽和孝順事實
及為善陰隲詩續詠史詩在集外皆雄邁高古
有奇氣入鄉賢祠其子孫至今喪葬不惑釋老
一遵文公家禮足繼先生經學矣

徐尊生字大年淳安人七歲能詩十五善屬文經
史諸子百家之書靡不淹貫而隱居不仕洪武
初以遺逸舉與脩元史竣事俾編禮書脩日曆
時翰林學士承旨宋濂乞致仕上問卿歸孰可
代者濂以尊生對乃拜翰林應奉階承事郎草
制悉稱旨尋以老疾歸所著有春秋論一卷制
誥二卷懷歸還鄉等藁二十卷

夏嚴仲淳安人家貧好學洪武間為邑學訓導終日講明義理弟子及門者隨其材質高下而成就之若主事方鵬布政宋興司務何賦中皆其徒也

俞溥字士淵淳安人少穎敏與徐尊生交善著作甚富以通經薦授本府儒學訓導轉國子助教致仕溥妻童氏遇寇衛姑死節載列女志方定字志安淳安人博學善吟咏洪武間以詩經領京闈鄉薦分教平州轉海州預脩永樂大典陞長泰縣學教諭所至造就有方足範後學

有止軒集行於世

林謹字天節遂安人洪武丁卯以詩經魁福建鄉試授大理評事因疾乞歸尋起為贛州府訓導陞開化教諭預修

永樂大典例當遷秩諸生請

闕借留俾還開化累司文衡去取惟公見祠開化名宦

洪鴈字廷器壽昌人天資穎悟年數歲父授尚書傳一日寒甚課曰點水成冰輒應曰翻雷作電稍長百家子史過目輒記父早喪哀毀成疾自

甯州府志 卷之十五
肖小像於室朝夕焚香侍如生時正德庚午領
鄉薦授福建邵武縣學教其俗尚鬼佞佛鷲至
即移文執政革之又捐俸創造號舍生徒有貧
乏者周之故一時多所造就以母老屢乞歸養
不得乃得分俸就養士大夫薦其學行擢國子
監助教疏時宜八事時大司成陸公琛署考于
銓即日懷深遠之識負諫諍之資及被召謁見
不阿遂出判鳳陽浸以不能諧俗取容而歸乃
築室蓮谷精研理學貫通六經妙契一中之旨
毅然以明道為任士類宗之所著有讀易索隱

大學參義中庸通旨八詠析言等書行于世

劉候字原道一字伯元壽昌人父早故叔應龍教
之甚嚴年十九以詩經領正德庚午鄉薦授業
于王陽明先生學有源委嘉靖十三年提學林
公雲同聘主天真書院教一時豪傑皆萃焉後
卒於其地

王秉中字端本建德人石城知縣鏞之孫田州通
判漢之子也世以青白相傳至秉中又以春秋
領正德庚午魁薦屢上春宮不第設教鄉間四
方學者雲集多所成就秉中重厚質實寡言笑

見者知其有德有言其清貧未嘗入公室卒之日貧無以為殮知府張元電率僚屬助賻推官王朝雍誌其墓門人湯仁傳咨等九十餘人具聞入祀鄉賢祠

唐珪字禹錫桐廬人為邑庠生博學能文弘治間知府李德恢知其才以禮聘至俾脩郡志大抵皆珪筆也後以貢任松江府學訓導著述甚富士林仰之
文苑

士耽文譽歎戀羶青擣毫擗管憂玉鏗金騷

壇擅執翰籍流馨潛溪稱賞睦雋馳聲

唐

吳少微淳安人與武功富嘉謨相友善長安中擢進士第俱尉晉陽又有魏郡谷倚者並富文辭號北京三傑時天下文章尚徐庾浮俚獨少微嘉謨本經術雅厚雄邁人爭慕之號吳富體預脩三教珠英以韋嗣立薦並為左臺監察御史已而嘉謨死少微慟之尋亦卒有集十卷行于世少微嘗謨崇福寺鍾銘竄為高雅作者推重并州長史張仁亶待以殊禮代仁亶作九鼎銘

詞亦典則然其為詩通莊道勁沉鬱充揚如濃
雲密布雷電勃興令人神驚矚駭不可正視其
開元寺一篇古意黯然卓有佳致至如鼓興幹
河嶽貞舜毒鬼神歲晏風落山天寒水歸壑不
惟一洗江左之鉛華可以直追漢魏之間奧矣
子輦開元擢第為中書舍人唐詩品彙載其入
白雲溪詩一首綺麗錯鮮不傷雅道亦能世其
丐裘者也

皇甫湜字持正淳安人元和中為陸渾尉應賢良
方正對策與李宗閔牛僧孺俱第一宰相李吉

甫惡其言直泣訴于上且言湜為翰林學士王
涯甥涯不先言坐貶湜不調久之遷工部郎中
卞急使酒數忤同省求分司東都留守裴度辟
為判官度脩福先寺立碑求文於白居易湜怒
曰近舍湜而遠取居易願從此辭度謝之湜即
請斗酒飲酣援筆立就度贈以車馬繒綵甚厚
湜大怒曰自吾為顧况集序未嘗許人今碑字
三千字三縑何遇我薄耶度笑曰不羈之才也
從而酌之韓愈為河南尹愛其才厚禮之遂為
韓門弟子與李翱張籍齊名有文集行于世震

澤王整謂持正之文皆自鑄偉詞槎牙突兀或不能句其快語若天心月脇鯨鏗春麗至是歸工挾經執聖皆前人所不能道後人所不能至也亦奇甚矣昌黎有言惟古於詞必自己出又謂文貴樹立不蹈襲此固持正之所從授與子松亦知名另有傳

皇甫松湜之子工文辭著醉鄉日月三卷備述飲中事宜全於酒者也大隱一賦尤為綺麗如牛蝻虎僕等語足稱博雅而其得名乃在樂府宮詞唐詩紀事載其怨回紇歌江上送別拋毬樂

諸作花間集載其天仙子採蓮子摘得新夢江南諸篇大都非出於風人莊士之口其古松感興一詩雖稍雅澹而誇詡不情獨勸僧酒絕句有悠然之意張為取為主客圖曲終奏雅僅見于茲或曰松丞相奇章公表甥公不薦舉怨望因襄陽大水極言誹謗有夜入真珠室朝遊玳瑁宮之句真珠公愛姬名也殆才人無行者歟章八元桐廬人登大曆六年進士貞元中調向容主簿遷協律郎少從會稽嚴維學詩有悟號章才子嘗於郵亭偶題數句蓋激元楚以辭家維

大異之遂親指喻數年充賦擢第其題慈恩塔
詩元白名家深為詫異且謂不意嚴維出此弟
子與郡司馬劉長卿更相倡和如夜涼河漢白
卷箔出南軒過月鴻爭遠辭枝葉共翻獨謠聞
麗曲緩步接清言駸駸有作者之意長卿酬之
有云貧家惟好月深媿子猷過其為名流賞鑒
如此至若終篇盡善者則新安江行一章其秀
句如雪晴山峯露沙淺浪痕交高仲武謂其得
山水狀貌誠哉是言也子孝標孫碣各有傳
章孝標八元之子登元和中進士第為山南東道

從事試大理寺評事初下第流輩多為詩以刺
主司孝標作海燕詩獨存忠厚侍郎庾承宣展
轉吟諷卒以受知李紳鎮揚州詩孝標賦春雪
詩命題于臺盤上索筆一揮深得風雅之意登
第後以詩寄紳遂自炫輝紳復為一絕以箴之
其無題一篇張為取為主客圖章荏作又玄集
取其歸海上舊居及田家無五行二首華亭徐
獻忠謂其情景頗似中唐人語用字渾成遂傷
俗拙及除正字東歸樟亭壁間所題遂成詩識
還家而逝時人為之語曰前有八元後有孝標

廉州府志 卷之五
父子多才而皆不達其命也夫

章碣孝標之子咸通中人登乾符三年進士詩多佳句有集一卷行于世其東都望幸一詩膾炙人口蔡寬夫詩話載其變體詩云東南路盡吳江畔正是窮愁欲暮天鷗鷺不兼斜兩岸波濤欺得送風船偶逢島寺停帆看深羨漁翁下釣眠今古若論英達笑鴟夷高興固無邊以入聲平仄各為一韻此尤可恠者至如焚書坑一絕就題翻意深得風人雅致教清江英深取之而華亭徐獻忠乃謂碣詩類俳蓋失之矣

方干字雄飛桐廬人咸通中屢舉進士不第初居縣之鷓鴣源後隱鑑湖時徐凝有詩名一見器之授以詩律干貌寢陋又兔闕而喜陵侮嘗謁廉帥誤三拜人號方三拜晚遇醫補其唇又號補唇先生其詩清潤小巧率多警句如庭接停猿樹巖飛浴鶴泉野渡波搖月山城雨翳鐘皆為人所稱道至如鶴盤遠勢投孤嶼蟬曳殘聲過別枝尤稱絕唱廉帥方薦於朝而干則死矣門人私謚曰玄英先生有集十卷行于世舍人王贊云干之為詩鋟肌滌骨冰瑩霞絢嘉肴自

將不吮餘雋麗不葩紛苦不癭棘當其得志倏與神會詞若未至意已獨徃孫邵云先生為詩高堅峻拔其秀也僊藥於常花其鳴也靈龜於衆響咸通乾符廣明中和間為律詩江之南未有及者光化中補闕韋莊始奏追賜及第唐末宰臣張文蔚中書舍人封彞卿奏名儒不遇者十有五人請賜一官以慰冥魂干其一也後宋景祐間范文正公守睦州過其故居想像遺風繪像於釣臺以配子陵正德十四年入鄉賢祠施有吾字希聖分水人元和十年登進士第以洪

川羽化之地慕其真風超然高蹈以學神仙嘗遺徐凝書有云僕忝成名自知命薄棲心玄門養性林壑賴仙聖扶持雖年逼遲暮幸免龍鍾觀其所得如此而已至其自序詩集以謂二十一年辛苦烟蘿松月之下或時學龜息飲而不食腸胃無滓形神益清見天地六合之奧凡奇兆異狀閱乎心目者銳思一搜皆落我文字網中幽不可道也故其為詩大率言神仙詭誕之事然才清富瞻輕巧精工如荷翻紫蓋波搖面蒲瑩青刀插水湄經粘薜荔龍鬚軟雨壓芭蕉鳳

越州府志 卷之十五 十五
翅垂花眼綻紅斟酒看藥心抽綠帶烟鋤雖乏
渾厚鴻明之氣而意度鮮華芳蘭獨秀亦有唐
之詩流也

徐凝分水人與施肩吾同時舉進士第官至金部
侍郎白樂天刺杭時以開元寺牡丹詩受知既
而與張祐較藝祐其自屈白公解送以凝為元
然廬山一絕嗤于坡翁謂之洗惡非所謂廉白
之鬪鼠穴勝負在一戰者也其餘他作若縉雲
一詩後來無敢題者漢宮一曲段柯古錄之題
襟集中至如空洲夕烟歛望月秋江裡歷歷沙

上人月中孤渡水心悰玄遠閑澹孤清脩脩自
得之趣見於言外雖朴略稚魯見誚玄英而抱
瑜握瑾美在其中以貌觀人恐有澹臺之失矣
何希堯字唐臣分水人施肩吾之婿號常歡喜居
士詩集行于世而以樂府名家其采蓮曲有云
錦鴛浮處水粼粼風外香生鞞底塵荷葉荷裙
相映色聞歌不見采蓮人其一枝花云幾樹晴
花映水開亂紅狼籍點蒼苔東風留得殘枝在
為惜餘芳獨看來他如柳枝詞咏海棠等作神
采既融清景俱到天才流麗節奏琅然未耀羽

儀之采而早收蘭茝之芳矣冰清玉潤擬之有
吾又何愧焉

李頻字德新與方干同里少從縣令穆君遊靈棲
洞中穆甫微吟頻即繼響深加賞異時給事姚
合方以詩名千里丐其品藻合深器之妻之以
女繼登進士出守建州遺愛在人黎山俎豆不
啻朱邑之桐鄉也然其為詩清新警拔未致鳳
儀即騰芳譽合郎脩辭精研太始詞以情勝音
以調諧絕句如早晚更看吳苑夕西齋長憶月
當窓不知明夜誰家見應照離人隔楚江鏗然

有金石之奏古意如白馬遊何處青樓日正長
鳳簫拋舊曲鸞鏡懶新粧雖越石感虬明遠戍
邊何以過之七言如去鴈遠衝雲夢澤離人獨
上洞庭船音書斷絕干戈後親友相逢夢寐間
五言如秋盡虫聲急夜深山雨重天下已歸漢
山中猶避秦綺密澄泓聲文華繁可以言詩矣
翁洮字子平壽昌人登進士第授主客員外退居
不仕李頻薦之僖宗遣人獨徵召焉其制詞有
云舉爾所知下以忠而事上薦賢受賞君以禮
而使臣促令就道洮竟不起作枯木詩以辭恩

命僖宗乃不復強以曲江魚賜之是時當唐末
造元氣既漓人才削薄洮雖高尚遯迹雲林而
才非宗匠詞靡敷榮如春夏秋冬四咏神氣衰
颯略無可採而披沙見寶者亦僅僅見之如空
向人間脩諫草又來江上詠離騷薜蘿烟裡高
低路楊柳風前去住人閑伴白雲收桂子每尋
流水斲桐孫綽有巧思而未能歷歷如此也

章魯風桐廬人亦能詩與餘杭羅隱齊名錢武肅
王鏐崛起以魯風善筆札召為表奏孔目官不
就執之沉于江後以隱為錢塘令懼而受命因

宴猷詩云一箇桐廬容不得思量黃祖謾英雄
自是鏐始厚之按諸家詩集及咸淳臨安府志
載孝標碣魯風皆云錢塘蓋五代時桐廬隸杭
州故也

宋

邵煥淳安人登進士第官至金部員外郎煥英年
挺秀精藻逼人七歲時隨父兄應舉時郡方建
鼓樓題詩于壁援筆而就見者駭焉郡守杜惟一
竒之奏令赴闕有云邵煥器局老成詞氣和
雅才思濬發真宗以其年幼賜帛遣歸咸平三

年十歲復以童子召赴闕令賦春雨詩頃刻而成是年登進士第除正字令于秘閣讀書上嘗引之入宮命賦睡宮娥詩煥應聲云紅粉一婢娟青春白晝眠衣輕香汗透睡重髻鬟偏又有玉腕枕香腮紅蓮藕上開之句乃命就職故淳之英年挺秀者煥為首稱焉

方仲謀字公輔淳安人登進士第剛直自持仁宗竒之手詔褒美出為歙州推官時戶稅不以式仲謀力為辯之歛人賴焉繼擢大理丞知漂陽縣累官殿中丞仲謀稟性貞介而文藻蔚然所著雉山集羸二十餘卷而散逸不存然其為詩不事雕鏤而聲律渾厚如鶯花不為少年惜尊俎莫辭終日歡可謂有神宗獨運之能而無纖穠華媚之態者矣

方元脩字時敏桐廬人侍御蒙之子也幼有詩名政和初審察監大觀庫後通判濬州嘗與呂居仁趙才卿入大名幕其詩善鍛鍊有元英先生之風其人日見梅花詩云雪淨冰融溪作鱗梅花經眼日當人北枝風力顧不早東閣詩情聊一新為人所稱誦焉

滕岑字元秀桐廬人紹興名士平生苦吟與陳埴相倡和其佳處自謂高視大曆十才子所作詩凡三千首趙汝愚知郡日借其集竟掩不還故傳者甚少然大抵皆江西體也其咏秋晚云林葉踈踰響山雲薄易銷拄杖送僧云斷橋測水露半影野度擲泥留鼠痕皆其警句也後宋景濂序睦州詩派岑實與焉

邵桂子字德芳淳安人號玄同生安仁簿吳攀龍子也鞠於所養因從其姓以博學宏詞登進士第教授處州棄官而歸鑿池構屋扁曰雪舟所著有雪舟脞談脞稿等書又作忍默怒退四卦以自警晚天暮天隨子之風家于松江之脩竹鄉歿乃還塋平生自喜為詩而意象冲融足淹高聽裁謝風塵之表脫超凡徑之外所謂卧深巖壑思遠滄洲瀟灑風流固宜爾也其次方虛谷遷居一詩最為雅澹而首丘之思靡不寓焉其詩云家住千峰落照邊移家三泖白鷗前東隣舊日秦侯隱西洛新巢衛叟還當日釣游頻入夢何時婚嫁送歸田會須共跨青溪鶴點易寒窓伴老仙其雅致高尚如此

汪斗建淳安人大理卿自強族子宋末遺老也嘗
為學官隱居不仕其詩大有聲律號雲留小稿
而忝離故國之思徃徃見於言外至於錢唐懷
古一章與唐人吊古諸作實相伯仲其詩云江
上城低烟樹紅江湖西去幾時東吳王花草隨
春暮禹會樓臺入夢空萬里孤雲留夕照千年
遺恨訴秋風鳳凰飛去無消息漠漠遙岑烟雨
中見還淳嘯咏集

元

洪震老字復翁淳安人延祐中領薦與時相書言
詞鯁直士論韙之未幾棄官不仕隱居筆峰所
著有觀光集一卷震老既歸日以吟咏為事其
詩氣格昂然不落卑調詞鋒艷發如出匣青萍
所向輒利故覽物品游徃徃超脫其通篇佳者
則東泉山一章實為奇絕至如白波九道自流
雪青玉一峰長拄天亦可謂雄偉不常者矣
夏溥字大之淳安人自然先生之子也明易象春
秋之學為文雄深簡古領至治三年鄉薦為安
定書院山長其教人一以安定為師士類多歸
之轉龍興教授新安趙沔曰昔予從嚴陵夏大

之先生遊間嘗問及詩法夏公曰子之鄉先達
有為吾郡守者善論詩所謂格欲高而律貴乎
熟句欲圓而意貴乎新者真名言矣其教授豫
章亦時從虞集遊喜其詩自成一家稱為夏體
予嘗言夏詩似楊誠齋夏聞之黎然蓋黃陳詩
出老杜以格高為宗至誠齋稍變其法夏亦自
老杜而變者也子裏登至正八年乙榜授涇縣
教諭

何正字守中分水人至順間應薦授鰲川書院山
長轉寧都下河巡檢尋棄官歸號雲壑道人能
詩初被薦時試以詩二首人至今傳之春草詩
云春來無處不芳菲色透湘簾好染衣南浦暝
烟鳧鳥沒曲江寒雨鷓鴣飛高人有意憐新綠
遊子無心戀舊歸淮海年年空入望六朝王業
竟成非月詩云宴罷瑤臺出禁遲玉輪飛上已
多時一天星斗光芒後萬里銀河影漸移素女
夜寒初倦舞嫦娥秋老正含悲黃沙積裏涼如
水人在青樓有所思

方子京分水人隱居山林至正間應薦而起試以
鑑湖風月詩時試者百餘人惟子京擢居前列

其詩云賀仙歸去隱滄浪萬頃晴波一鏡光龍
瑞尚存禹時迹鴻禧猶帶晉餘芳兩堤楊柳三
更影千樹芙蓉五月涼後數百年無問處雲山
烟水共蒼茫除嘉興路教授致仕而歸卒于家

國朝

汪一初字陽復淳安人少嗜學以詩文鳴洪武庚
子守將薦之朝

上方觀書命作詩立賦一絕以進有花影上階春滿
地讀書餘暇問蒼生之句即命以白衣侍講踰
月授儒學提舉明年以親老乞歸養時中丞劉
基學士宋濂皆為文以贈庚申復召見對策第
一擢太常寺卿辭不就遂命白衣巡撫山西卒
於潁州

上聞嗟悼賜祭以柩歸葬焉

余郁字公文淳安人洪武初以薦辟入朝賦天馬
詩稱旨授陝西道御史以清謹聞尋坐事謫夔
門時太史宋濂卒于蜀葬無定塚郁結廬其上
守護惟謹後有鄭楷者濂弟子也為蜀藩長史
過夔郁泣而囑之曰吾為若師守墓三十餘年
今子來有托矣啓諸獻王改卜成都夔人高其

誼立祠祀之至今不絕郁工吟咏其詩流麗疏
越氣骨琅然詞峰秀潤感賞之情殆出常表如
洪都送友一篇足稱悲壯其詩云花露鶯聲綠
暗城河橋分手去帆輕一江流水春無迹滿卷
新詩盡有聲山雨浦雲烟度晚閣霏亭月雪沙
晴上藍鐘曉秋屏照都是洪都送客情他作類
是

徐舫字方舟桐廬人博學能文尤工於詩少與青
田劉基遊洪武初基被徵過桐廬邀之同行舫
荷篋笠以見示無仕進意因共縱酒歌詩而別
築室江臯日吟哦於雲烟出沒間倏然若與世
隔因自號曰滄江散人天大雪獨泛舟釣江中
戀戀終日不忍舍去見者疑其非世間人及卒
金華宋濂為撰墓誌銘稱其詩圓熟璀璨如明
珠走盤而玉色交映非虛美也其白鴈詩云出
塞風沙不浣衣要分秋色占鷗磯遠書玉字傳
霜信斜落銀箏映冷輝楚澤雪昏無片影湘江
月黑見孤飛當年繫帛還蘇武漢節仍全皓首
歸月色詩云誤踏瑤階一片霜侵鞋不濕映衣
涼照來雲母屏無跡穿入水晶簾有光雪影半

窓能共白梅花千樹只多香故人疑似見顏面
殘夜分明在屋梁可謂咏物之妙者矣所著有
滄江集若干卷藏於家

汪改字遷善桐廬人洪武中領鄉薦授丹陽縣教
諭獻三策於

朝深切時務陞臨清丞永樂改元棄官歸自號桐
山歸牧安貧樂道以吟咏自適性行端潔不混
流俗氈帽骨篋未嘗簪戴曰畜類之毛死獸之
骨豈可加於首乎晚好神仙年八十餘點校丹
書手不釋卷詩文取達意不事雕繪類其為人

惜乎散逸不傳也姪孫九齡字良永領正德己
卯鄉薦授肇慶府推官以政聲擢南京山西道
御史詳桐廬脩學記

商汝頤字景貞淳安人領弘治二年鄉薦授吏部
司務歷官湖廣參議汝頤自幼穎悟嗜學為文
精密淵巧迥駕詩髦綽有姿態其詩覃思遠詣
藻采綿綿如觀瀾樓詩起語云氣象巖巖百世
師狂瀾誰復障東之結句云雙溪我欲離塵去
倚杖方諧晚歲期自是作者愚謂汝頤詩文如
素障子雖無爛目之華款摘其瑕亦無下手去

處

程文楷字守夫淳安人叅議愈之子也少穎敏好讀書提學吳伯通竒其文冠兩浙領弘治五年鄉薦與陽明王守仁小泉林庭槲友善賡和盈几為一時所重未幾齋志而沒所著有方文集松栢稿春厓雜稿其咏蟬一律云喬木陰陰水閣清孤蟬忽聽起新晴初離舊壘啼猶怯漸上高枝翼已成便覺園林添暮景可堪風露變秋聲紛紛正亂愁人耳隔葉螿螂總未驚又有絲瓜長篇後一段淒惋殊甚尚書徐康懿貫見而

嘆曰此子必不永年已而果然

論曰夫所謂儒者業所學而得名其曰理學曰儒林曰文苑各因其所就而稱之耳予觀茲鄉而得若人其可以無述乎喻樗子才從遊龜山習聞伊洛之學融堂子是受業慈湖盡得象山之緒儀之體仁鵝湖講學親承朱呂之傳蛟峰逢辰賜院石峽與弟逢振倡道山房呂首之乃融堂之高第胡子廉實東萊之門人主晦庵書院山長明理學以淑人心如邵大椿氏皆有功于斯道者也若方慤胡朝穎黃蛻何夢桂吳敬

輦則以著述名吳少微皇甫湜章八元李頻施
肩吾方干徐凝諸人又皆以詞賦著或以窺六
經之蘊奧或以闡百家之緒餘或吟咏性情上
薄風雅觀朱呂講道徃反書篇喬相薦賢進書
奏疏與夫宋景濂睦州詩泚盛稱多人信乎此
邦文獻有足徵矣然則後諸賢而生者豈無其
人哉詩不云乎高山仰止景行行止愚切有望
於斯焉

嚴州府志卷之十六

嚴州

府知府楊守仁 主脩

同知龔天申

通判趙秉攷

推官宋行可 同脩

四川布政使司左叅政徐 楚 纂脩

嚴州府儒學訓導楊德興

葉 萼

淳安縣儒學訓導顧汝紳校正

嚴州府儒學生員徐 方

建德縣儒學生員張世聞
淳安縣儒學生員徐應籌
桐廬縣儒學生員羅昌齡
遂安縣儒學生員吳兆麒
壽昌縣儒學生員李度
分水縣儒學生員陳復華彙集

嚴州府

人物志四

隱逸

隱居尚志山水之間雙臺翠律七里潺湲玄

英方舟逸駕斯攀清風高節立懦廉頑

漢

嚴光字子陵一名遵會稽餘姚人也少有高名與

光武同遊學及光武即位乃變名姓隱身不見

帝思其賢乃令以物色訪之後齊國上言有一

男子披羊裘釣澤中帝疑其光乃備安車玄纁

遣使聘之三反而後至舍於北軍給床褥大官

朝夕進膳司徒侯霸與光素舊遣使奉書使人

因謂光曰公聞先生至區區欲即詣造迫於典

司是以不獲願因日暮自屈語言光不答乃投

札與之口授曰君房足下位至鼎足甚善懷仁
輔義天下悅阿諛順旨要領絕霸得書封奏之
帝笑曰狂奴故態也車駕即日幸其館光卧不
起帝即其卧所撫光腹曰咄咄子陵不可相助
為理耶光又眠不應良久乃張目熟視曰昔唐
堯著德巢父洗耳士固有志何至相迫乎帝曰
子陵我竟不能下汝耶於是升輿嘆息而去復
引光入論道故舊相對累日帝從容問光曰朕
何如昔時對曰陛下差增於往因共偃卧光以
足加帝腹上明日太史奏客星犯御座甚急帝
笑曰朕故人嚴子陵共卧耳除為諫議大夫不
屈乃耕於富春山後人名其釣處為嚴陵瀨焉
建武十七年復特徵不至年八十終於家帝傷
惜之詔下郡縣賜錢百萬穀千斛

唐

許法稜字道冲建德人唐代宗永泰中東吊聘不
就

羅萬象分水人隱於紫邏山浙西觀察使李德裕
使人召之萬象聞之更逃入深山築白雲亭居
之終身不出

方昊字太初淳安人生於唐末以節義自高唐亡
耻非所仕遯於巖谷吳越錢氏招之不往聚徒
講道於上貴精舍以終其身鄉人化之稱為靜
樂先生宋咸淳八年詔求歷代忠臣烈士有功
於民者令州縣歲時致祀知縣應應偶乃就上
貴寺建祠焉

宋

邵炳淳安人冕之子也登天聖五年進士第為富
陽簿秩滿歸築樓名曰白雲而隱焉范文正公
守睦招之不就內相葉道卿郡倅張文定屈炳
主錢塘學亦辭後張公在諫垣薦之召赴闕因
上時政機要策三篇除秘書省校書郎知義烏
縣不赴復還舊隱時稱白雲先生

胡幾字及之淳安人博學有聲鄉里以厚德稱遂
安詹至字及夫亦稱長者時有淳遂二及不可
及之語

方逢嘉字君會淳安人領漕薦任無錫尉調轉船
兩倉司門事凡知者累以文學政事公廉明敏
薦俱辭不就歸隱於所居馬巖山下號巖隱
齊龍高字彥登淳安人為上舍生成淳七年釋褐

第一人授迪功郎婺州教授尋隱居不仕創讀書之室名曰相庄聚徒授學以終老焉

嚴侶字君友桐廬人子陵三十五世孫有奇氣讀書不為覓舉計從學漢英賈公賈之學實源流於晦庵朱子貴官至鈞臺必訪侶勸之仕則曰漢雲臺諸將仕非不赫赫今子孫無聞吾鼻祖去今一千三百餘年而高風遠韻與富山桐水相為流峙某不敏願為嚴陵賢子孫足矣居家教授生徒從游者衆一日與宋文山客謝朝雪夜登西臺祭酒慟哭以鐵如意擊石復作楚歌

聲振林木人莫能測其意暮年建沙社為會取晚而有信之義餽卒無子與社中友買地臺南塋之築許劔亭嘗遊錢塘偕石塘胡公山村仇公過孤山酌林處士岳鄂王墓卒有動於中告二人曰某常時如此親必不安亟歸及門遽有終天之別擗踊氣絕者數四治喪祭一用朱子禮廬墓三年不脫衰經不見賓客有白燕巢墳木事母益虔母卒哀毀成疾幾不起每至生日服墨縗哀慟踰他時至順辛未冬疾革呼其子淵曰吾年已踰六十不稱夫奉祖祠四十年復

土田教養無忝吾死何怨平疇西田吾已買諸
官死必塋是遂逝門人黃廷玉等私謚曰高節
先生復請於郡守祠於祖祠西小室鐵崖楊維
禎誌其墓

元

何景福字介夫淳安人為人學博行脩以所遇非
其時累辟不赴惟詩酒自娛以終其身所著有
鐵牛翁詩集一卷行于世

李康字寧之桐廬人幼警悟閨奩年十二母病弗
瘥取股肉和餽粥以進病隨愈鄉里稱李孝子
從永康胡仲孺先生游工詩文博及書畫琴奕
素以功名自許兩試藝不售棄去以古學自鳴
元至正二年郡守馬九臯遣使幣起力辭之九
年張奉使素聞其賢又起之復辭十六年宰臣
塔失鐵至邑即致幣遣縣令羅良詣請議事康
不得已而起極談當時得失欲官之康以母老
懇辭而歸十八年以疾卒高陽許璣青田劉基
臨其喪為詩文誄之康所著有杜詩補遺桐川
詩泐梅月齋永言看山清暇集各若干卷藏于
家

國朝

胡拱璧字寶之淳安人天性孝友穎敏好學經史諸子百家皆通其大旨恬澹閒雅不以事物經心兄莊懿公既貴顯韜晦丘園足跡不履公庭邑行鄉飲雖特加禮敬終不能致家居惟讀書吟咏或圖蘭菊竹魚為玩六十年餘不變所守鄉縉紳先生論其人品咸以為可方之古逸民所著有更拙稿陶情稿吟稿藏于家流寓

名賢適國託迹茲鄉僑居遷謫卜宅徜徉地因人勝藉有餘光匪數君子曷紀行藏

周

伍員字子胥楚伍舉之孫奢之子也奢二子長尚次員奢為平王太子建傅費無極諛之王囚伍奢告之曰能致二子則生不能將死奢曰尚至員不至王曰何也奢曰尚廉節慈孝聞召必至胥之為人智而好謀勇而矜知來必死為楚患者必此子召之尚遂歸員擊弓屬矢見使者將射之使者還遂奔吳未至而疾止中道乞食至吳時公子光欲殺王僚員知其不可諫退而耕

于此後佐闔廬敗楚入郢竟為夫差所殺今嚴州有胥口胥嶺胥村皆其遺跡也

晉

許邁字叔玄丹陽句容人家世士族而邁少恬靜不慕仕進時父母尚存未忍違親謂餘枕懸雷山近延陵之茅山是洞庭西門潛通五嶽於是立精舍於懸雷朔望時節還家定省而已父母既終乃遣婦孫氏還家遂徧游名山初採藥於桐廬縣之恒山結樓以居餌木涉三年欲斷穀以此山近人不得專一四面藩之好道之徒欲

相見者即登樓與語常服氣一氣千餘息後移入臨安西山乃改名玄字遠游與婦書告別王羲之造之未嘗不彌日忘歸相與為世外之交玄遺羲之書云自山陰南至臨安多有金堂玉室仙人芝草左元放之徒漢末諸得道者皆在焉玄後徃茅山莫測所終好道者皆謂之羽化矣

孔愉字敬康山陰人也年十三而孤養祖母以孝聞與同郡張茂字偉康丁潭字世康齊名時人號曰會稽三康吳亡入新安山中改姓孫氏以

稼稽讀書為務信著鄰里後忽捨去皆謂為神
人而為之立祠建興初始出應召為丞相掾時
年已五十矣以討華軼功封餘不亭侯愉嘗行
經餘不亭見籠龜於路者愉買而放之溪中龜
中流左顧者數四及是鑄侯印而印龜左顧三
鑄如初印王以告愉為司徒長史乃愉遂佩馬
後遷侍中太常及蘇峻反愉朝服守宗廟初以
溫嶠母亡遭亂不得塋至是峻平愉往石頭詣
嶠嶠執愉手而流涕曰天下喪亂忠孝道廢能
持古人之節歲寒不凋者唯君一人耳時人咸

稱嶠居公而重愉之守正後王導將以趙徹為
護軍愉謂導曰中興以來處此官者周伯仁應
思遠耳今誠乏才豈宜以趙徹居之邪導不從
由是為導所啣後出為會稽內史在郡三年乃
營山陰湖南侯山下數畝地為宅草屋數間便
棄官居之送資數百萬悉無所取咸康八年卒
年七十五謚曰貞

南宋

戴顓字仲若譙郡銍人父遠兄勃並隱遁有高名
世居剡下聞桐廬縣多名山兄弟復共遊之因

留居止勃疾患醫藥不給顯謂勃曰顯隨兄得
閑非有心於語默兄今疾篤無可營療顯當干
祿以自濟耳乃告時求海虞令事垂行而勃卒
遂止後以桐廬僻遠難以養疾出居吳下顯嘗
述莊周大旨著通選論戴記十篇行於世

唐

喻鳧南昌人其先遭亂數遷開成中鳧登進士第
以詩名聞於時徙家睦州之分水縣嘗與方干
賦詩往還事見元豐中黃庶所作喻府君墓表
及方干詩集仕至烏程尉有詩一卷行于世宋
時喻氏宗族多業儒第進士者相踵蓋皆鳧之
後裔云

後周

章仁肇浦城人五代時為檢校尚書工部侍郎兼
耀武將軍有功於時廣順中徙居桐廬定安鄉
之宓石盡歛鋒芒居仁行義鄉人敬服之宋季
諱木者字則正實其裔孫擅詩名號小客星有
誅魃文觀海集行於世張壬笥吊之曰雲外客
星落江頭桐樹凋有文誅旱魃無祿佐清朝觀
海聲名大回天志慮銷孀妻與孤子仍舊瓦蕭

蕭今居梧村者皆其流裔也

宋

豐稷字相之明州人徽宗朝為御史中丞首論蔡京姦狀京坐貶及京復相脩故怨稷安置睦州商瑗其先汴人流寓西夏仕為都知兵馬使嘉祐六年因奉使歸宋奏獻密事上嘉其義賜地於浙之淳安以居即今遼源之芝山也子孫因家焉以蔭補官者三世

黃裳字冕仲一字道夫延平人嘗遊桐廬讀書於浮橋之禪定院又寓居閬仙洞者十餘載元豐二年舉進士第一人崇觀間仕至禮部尚書自號紫元翁舊時禪定院有紫元祠堂閬仙洞有紫元庵皆以祀裳也

江端友字子我陳留人與呂居仁多唱和其詩入江西派端友以元祐黨家居不仕亦不娶隱居封丘門外靖康初丞相吳敏薦之以為承務郎諸王宮教授上書辨宣仁誣謗遭黜渡江寓居桐廬之蘆茨源自號七里先生後為太常少卿卒所著有七里先生自然庵集七卷行於世

呂本中字居仁河南人紹興初登進士第仕至中

書舍人寓居桐廬之廬茨源詩學黃山谷而主於自然號彈丸法世稱為大東萊先生與江子我多唱和嘗作江西傳衣詩派圖列陳無已而下二十五人為法嗣謂皆出於山谷云平生因詩以窮耽禪而病清癯如不勝衣有孟浩然跨驢之風一室蕭然凝塵滿席浴如也卒謚文清朱翌字新仲龍舒人政和間登進士第時人諱言詩翌獨沉湮六義思繼作者南渡後為中書舍人掌書命文章浸顯於朝忤時宰謫居曲江十有四年既而北歸詩益老文益奇寓居桐廬愛茨廬山水遂闢地家焉所著有瀟山集三卷行於世

陳埴字伯和陽翟人澗上夫人恬之族子也博學工詩南渡寓居桐廬與滕岑相唱和岑盛稱埴所著嘗有次岑韻山居詩云解紐滄溟畔携家紫翠間地臨雙港勝天與兩年閑茅屋靜聞雨竹籬疎見山所慚鄰舍老句險不容攀雙港者一名橫港即桐溪也他作皆類是埴紹興間登進士第嘗為黟縣令

謝翱字皋羽福之長溪人後徙建之浦城父鑰性

至孝居母喪哀毀廬墓終身不仕通春秋著春
秋衍義左氏辨證傳于時翱世其學試進士不
中落龜漳泉二州倜儻有大節會丞相文天祥
開府延平長揖軍門署諮議叅軍聲重梁楚間
已復別去及宋亡天祥被執以死翱悲不能禁
隻影行浙水東逢山川池榭雲嵐草木與所別
處及其時適相類則徘徊顧盼失聲哭嚴有子
陵臺孤絕千丈時天涼風急翱挾酒以登設天
祥主荒亭隅再拜跪伏酌畢號而慟者三復再
拜起悲思不可遏乃以竹如意擊石作楚歌曰

菟朝往兮何極暮歸來兮關水黑化為朱鳥兮
有味焉食歌闕竹石俱碎聞者傷之然其志汗
漫超越浩不可禦視世間事無足當其意者獨
嗜佳山水如鴈山鼎湖蛟門候濤沃洲天姥野
霞碧鷄四明金華洞天搜濟扶秘所至即造游
錄持以誇人若載七寶歸者游倦輒憇浦陽江
源及睦之白雲村尋隱者方鳳吳思齊晝夜吟
詩不自休其詩直遡盛唐而上不作近代語卓
卓有風人之餘文尤蘄拔峭勁雷電恍惚出入
風雨中當其執筆時瞑目遐思身與天地俱忘

每語人曰用志不分鬼神將避之其苦索多類
此婺睦人士翕然從其學前至元甲午去家虎
林西湖上前代遺老尚多存者咸自詫見翱晚
明年乙未以肺疾作而死年四十七瀕死屬其
妻劉氏曰吾去鄉千里交游惟方韶卿吳子善
最親不翅兄弟慎收吾文及吾骨授之韶卿即
鳳子善即思齊已而鳳等果至與方幼學方燾
馮桂芳翁登登之弟衡葬翱子陵臺南以文彙
殉伐石表之曰粵謝翱墓初翱以朋友道喪盡
吳越無掛劔者思合同志氏名作許劍錄勒諸
石未就復為建許劍亭於墓右從翱志也翱無
子其徒吳貴祠之月泉書院云翱好脩抱獨刻
厲憤激直欲起古人從之游不務諧於流俗意
所不顧萬夫莫回也每慕屈平托興遠游自號
晞髮子遇談勝國事輒悲鳴煩促涕泗潸然下
士有苟合而氣志得者憎聞翱翱自若也所著
手抄詩八卷雜文二十卷唐補傳一卷南史補
帝紀贊一卷楚詞芳草圖譜一卷宋鏡歌鼓吹
曲各一卷睦州山水人物古跡記一卷浦陽先
民傳一卷天地間集五卷東坡夜雨句圖一卷

浙東西游錄九卷餘倣秦楚之際月表作獨行
傳及左氏傳續辨歷代詩譜皆未完所選唐韋
柳諸家詩及東都五體詩不在集中

吳思齊字子善麗水人徙永康咸淳中由任子入
官仕至饒州節制準備差遣已而請監南嶽廟
流寓桐廬之白雲源與婺方鳳粵謝翱相友善
劇談每至夜值宋改物家益貧勸之仕者輒謝
曰譬猶處子業已嫁矣雖凍餓死不能更二夫
也以先墓在麗水不能數歸省歲時必遙望隕
涕因自號全歸子方鳳評其為人如徐積陳師
道云所著有全歸集若干卷于世

元

葉禎字仲貞錢塘人為學不治章句喜以詩自鳴
內翰酸齋貫公甚器重之年三十不娶從父來
桐廬為釣臺書院山長山長君死禎貧不能歸
賣藥市中以自給禎風神蕭爽不能隨世浮沉
遇月白風清輒同邑人李驤龍買舟泛桐江而
下驤龍善洞簫禎歌古詞扣舷而和之或至忘
返禎一日病革憂戚莫知所為驤龍顧曰君得
無念後事乎有驤龍在君何憂竟不能食三日

死驤龍為具棺斂買地葬焉驤龍弟復合禎之
所遺財市田二畝有奇入華林僧寺俾立主以
祠之

忠義

耿耿赤心皇皇英烈亦有征行死生勇決義
士忠臣悉書往牒爰想剛風喟然擊節

宋

劉晏建德人入遼舉進士為尚書郎宣和中率眾
數百來歸授通直郎金人犯京師以晏總遼東
兵號赤心隊建炎初從劉正彥擊賊淮西及金

人犯建康杜充兵潰群寇犯常州晏出奇破之
後追擊賊戚方於宣城為賊所害贈龍圖閣待
制立廟死所官其子四人

錢學淳安人與弟翬俱讀書尚氣節宣和中方臘
黨類尚熾翬翬團民兵衛鄉井人服其令建炎
已酉兀术大舉入寇高宗幸海道虜犯臨安浙
浙江而上翬翬與邑人方庚率民兵三千東赴
至桐廬縣西視牛頭山迫險可得布置迎敵大
敗虜衆遽北遁以功各補承信郎頃之衢寇張
花項犯歙逼嚴境又率兵敗之後卒于家紹定

庚寅江東部使者列其功立祠于嚴賜廟英烈
紹定癸巳復賜爵乃封忠為惠顯侯賢為惠濟
侯

詹良臣字唐公遂安人敦厚有節操宣和初年七
十二以特奏名為處州縉雲尉方臘起歛嶺且
犯處守貳俱遁良臣以數百人獨守城或謂良
臣曰盍去諸良臣曰食馬不避其難吾官以遂
賊為職縱不勝敢愛死乎率弓兵出禦之力不
敵被執賊脅以降良臣怒罵賊恚忿割其肉使
自啖良臣且吐且罵至死不絕口賊平事聞贈

通直郎官其子三人後累加金紫光祿大夫謚
忠節長子大方登進士累官端明殿大學士工
部尚書樞密院使封遂安伯食邑八百戶贈太
師次子大猷補承事郎官至朝請大夫賜紫金
魚袋

翁開壽昌人登政和五年進士宣和二年攝青溪
尉方臘寇起領所部與賊戰不勝被執罵賊而
死郡人鄭範為之傳

葉鏞字勉叔壽昌人學通經傳才兼文武宣和二
年青溪方臘竊發與龍溪洪基護鄉井有功授

忠訓郎湍州軍馬都監靖康二年金人犯京師
與王時雍守東壁粘罕攻城甚鑿極力防禦尋
以城陷為金人所殺

徐梅龜字臞叟壽昌人警敏剛介不事阿徇登進
士第授安豐軍霍丘縣尉端平三年蒙古兵犯
境梅龜親率土人王鎔等扎塞安陽諸山隣境
亦賴以安嘉熙元年蒙古兵又至梅龜身先士
卒戰勝俘獲甚衆次年春蒙古大舉入寇梅龜
與戰不利顧謂其子尚古曰彼衆我寡我知之
矣委質為臣有死無貳汝其行乎尚古曰大人

既能死忠尚古豈不能死孝乃轉戰益力至黃
家渡皆遇害淮西制置以聞理宗震悼贈宣教
郎知霍丘縣事官其一子汲古進武校尉尚古
贈承信郎亦官其一子肅進義校尉梅龜夙以
文名舉筆立就嘗著春秋指掌圖若干卷行于
世

吳德洪字長翁淳安人登淳祐九年進士第歷官
金部員外郎遇時激烈與時多忤元兵入臨安
德洪抗節而死弟雄飛字次翁秀整端重與兄
齊名亦登景定三年進士累官太常寺簿夙與

廬州府志 卷之六
李芾友善以忠義相許國亡募兵赴難時論痛
之子必大字萬之以文學名

孫潼發字君文桐廬人少力學工文詞登淳熙四
年進士第調衢州軍事判官有廉能聲秩滿擢
御前軍器所幹辦公事未幾國亡家亦毀乃辟
地萬山中草栖露宿若與世隔久之乃歸稍復
故業為終焉之計與邑人袁易魏新之為三友
以古人風節自期待御史程文海求遺逸以潼
發應詔堅辭不起卒于家金華黃文獻公潛表
其墓

徐夢魁字梧叔領貢籍適宋運既亡欲圖恢復潛
集子弟兵三百餘人與開化魏亨同應陳宜中
至信州兵復潰敗又聞丞相文天祥被執北去
痛哭撫膺其謀遂寢既歸築室璉塢山中人書
宋林二字于石元初屢薦不就年七十餘臨終
謂子姓曰吾家宋臣也墓題宋林處士足矣汝
曹幸無食元祿言訖而歿萬曆三年知縣吳撫
謙表其墓

鄭采翁字季華壽昌人性剛果好讀書屢試不第
居家學兵法宋將亡忿然有扶拯之志元人圍

臨安遂倡義勤王郡人朱天錫等應之收集鄉
兵與宋潰集設部伍習騎射義聲感激人皆效
死俄而臨安失守兩宮北去元將唆都陷建德
府安撫方面迎降遂犯白沙渡米翁率所部力
戰兵敗被執不屈而死

姚仁壽字靜山桐廬人以恩免進士充饒州路節
制都監兵馬德祐初私募義勇守關要元人夜
犯關仁壽親冒矢石敵敗走及宋亡歸隱藍田
山中元初詔求遺逸州郡以仁壽應堅辭不起
年七十八卒于家會稽楊維禎表其墓

元

魯淵字道源淳安人七歲知讀書十歲能屬文登
至正辛卯進士出丞華亭未幾倣寇構逆延及
永平省檄淵與監郡脫脫引兵而西焚賊壘六
十餘遂會大軍於新安江中與富山巡檢邵仲
華共守豪嶺賊再犯衆驚有退志淵以忠義相
激皆固守不去已而為賊所得淵守節不屈羈
置于白石源拘守甚固而從容吟咏預作祭文
附歸以示必死明年寇平乃得脫復抵華亭清
介自持以春秋啓迪雲間士子起為浙江儒學

副提舉以疾歸居岐下人號岐山先生洪武初
屢徵不起所著春秋節傳策府樞要行於世
王舉字彥高桐廬人少有大志好施予元末兵亂
與邑人姚采邵暉謀曰今盜賊竊發不早為備
吾邑無噍類矣衆皆然之因收集鄉兵協力保
障時紅巾轉掠桐廬采等破之于安樂鄉後
天兵至嚴舉等率衆歸附授義兵萬石尋為讐家
所誣謫戍鳳陽後獲申雪官其子瑄世襲鎮撫
至孫昱陞武略將軍青藍正千戶

國朝

張瑛字彥華建德人自幼剛方端重尤勤于學領
永樂十二年鄉薦授刑部主事遷員外知建寧
府時延平沙尤鄧茂七構亂自號剗平王其黨
林紹得葉宗留陳保等衆至數千蔓延至建寧
荼毒日甚瑛募壯士團義兵擊走之以功陞福
建左叅政仍掌府事後餘黨復作猖獗轉甚至
臨城下乃與弟敬率兵討之乘勝逐北弟敬戰
沒瑛為伏兵所獲欲降之瑛大罵不屈而死事
聞贈嘉議大夫福建按察使遣官諭祭官其子
熙為羅田主簿弘治四年建寧知府劉璣具奏

建祠于城南歲時享之建安雷燮有張按察祠志

張海海建德人一名文淵洪武初編伍營州尋調開平永樂十七年從興安伯徐亨備邊俘于沙漠韃主竒之欲妻以女懇辭與之官不受因入貢人至京附奏密情十四事

朝廷嘉之頒

旨開豁原籍軍三名匠二名仍免差役次年得古璽欲南遁適天色赭迷追騎甚迫乃摸篆于裙幅間投璽于水至則真跡爛然馳獻

宣皇召對便殿賜五品服色酒飯寶鈔次日聽宣賞賚如前賜職錦衣衛千戶懇乞歸田海海在虜一十五年時比之蘇武今子孫世免徭役孫健亦以行誼著名知府周望給扁以旌之年八十餘乃終

俞鑑字元鑿桐廬人少好學力行登正統六年進士丁外艱哀毀骨立服闋授兵部職方主事奉命清理調度大同等處軍政清慎詳敏取舍得情十四年胡寇也先犯順郎中胡寧當行以疾求代鑑慷慨許諾有以子幼家遠沮之者鑑厲聲

曰國事如此可言及身家耶至處中撫二子摩
其頂曰若等自當成人我不能顧矣時尚書鄭
瑄知其賢悉與筆畫應對如流疲勞輒作少瘥
力勸瑄奏

上班師弗果七月十六日抵大同命平鄉伯出戰敗
績回至宣府八月十三日過鷄鳴山遇寇成國
公朱勇敗沒回至土木也先人馬大肆殺戮鑑
謂其家丁曰若急走報吾不得歸矣遂遇害鑑
氣節慷慨有大志八歲聞父讀出師表即能叩
其大義事親與兄如成人禮忠孝蓋出於天性

姚文敏公夔有書俞元器忠義事云景泰
贈承德郎官其子偉正德間僉事韓邦奇
墓曰惟公事不避難勇克死義為臣以忠
無愧巡按御史鮮冕檄入鄉賢祠